

Si no bin apertura cu e proceso di screening di Mike de Meza, e caso por termina den corte



Pagina 2

- **Minister di Finanzas ta avansa cu reunionnan strategico na Washington D.C.**

Pagina 6

- **Novavax ta bisa cu su inyeccion di COVID-19 ta na caminda pa aprobacion di FDA**

Pagina 7

- **Hopi interes di pueblo pa Bureau Ombudsman**

Pagina 3

Prevencion di criminalidad lo ta central den maneho di Gabinete AVP-FUTURO



Pagina 4



No tin menasa inmediato for di Venezuela pa islanan ABC, segun ministernan Hulandes

Pagina 9

Republica Dominicana: Doño di club Jet Set ta sigura cu e ta asumi su responsabilidad despues di tragedia cu a laga 232 morto



Pagina 11

Si no bin apertura cu e proceso di screening di Mike de Meza, e caso por termina den corte

Ayera tardi prome minister Mike Eman a tene un reunion cu Gobernador di Aruba SE Alfonso Boekhoudt.

Durante e reunion aki e mandatario y Gobernador di Aruba a toca riba e tema di celebracion di Dia di Rey como tambe e tema cu hopi den comunidad ta pendiente di dje, esta e screening di candidato pa minister Mike de Meza.

Pa locual ta trata celebracion di Dia di Rey, specificamente ki dia lo ta oficialmente liber teniendo na cuenta cu Dia di Rey ta cay riba un dia cu ya ta liber diadomingo, prome minister Eman a informa cu a tuma e decision pa duna di asabra como dia liber.

En conexion cu Dia di Rey tambe ta tuma luga e condecoracionnan real.

Relaciona cu esaki prome minister Eman a indica cu diabierna mainta hunto cu Gobernador di Aruba lo tin e momento di conocimiento di esnan cu ta ser condecora y diabierna anochi tin e recepcion caminda cu ta cuminsa celebra e cumpleaños di Rey.

Ademas di esaki, el a arrega, diabierna tambe lo tin e momento oficial caminda lo honra tributo na Papa Francisco cu a fayece.

Bayendo riba e tema di screening di candidato pa minister, parlamentario Mike de Meza, e mandatario a splica cu durante e reunion cu Gobernador di Aruba el a bolbe entrega documentonan adicional cu e fiscalistanan di parlamentario De Meza a entrega na su persona.

El a sigui splica cu den e documentonan tin splicacion detaya cu ta indica cu Sr. De Meza ya a paga tur locual ta su obligacionnan di belasting durante añanan anterior, y ademas ta duna un relato amplio tocante e cumplimento di parlamentario De Meza pa loke ta trata belasting.

Prome minister Eman a remarca cu ta importante pa realisa cu ora ta papia di reputacion di un persona, e ta algo hopi grandi y e persona tin no solamente e derecho, pero e obligacion pa lucha pa muestra kico realmente a tuma luga.

Den e caso aki, el a menciona,



De Meza y su fiscalistanan a produci hopi documento pa muestra cu en realidad locual tabata e inkietud pa su posicion, den e forma con nan ta articul'e, nan ta mira cu e no ta algo cu mester impedi De Meza pa bira minister.

“Nos conoce Sr. De Meza tambe como un persona cu a entrega pa e pais aki, cu a traha, a cera su companianan, hustamente pa sirbi e pais aki, durante tur e añanan cu el a scoge pa e bira minister y despues parlamentario, practicamente e no tabatin companianan mas, companianan cu por cierto tabata companianan sumamente prospero cu el a cera haciendo escogencia pa servicio publico.

Esey mi ta kere ta algo cu tin cu ser tuma den consideracion den henter e proceso aki y ser respeta tambe,” el a remarca.

Miembro di prensa a puntra prome minister kico ta e situacion e ora cu DIMP, ya cu na final e departamento ey tin cu duna luz berde pa parlamentario de Meza por bira minister.

E mandatario a splica cu esey ta corecto y esey ta e disputa cu tin na e momentonan aki cu e fiscalistanan di impuesto cu ta basa nan documentonan riba cierto puntonan y di parti di e fiscalistanan di Sr. De

Meza ta oponer e partinan aki. El a agrega cu di locual el a compronde ta cu e caso aki lo por termina den corte.

“Mi tin indicacion cu si no bin un apertura cu e caso aki por termina den corte caminda e fiscalistanan di Sr. De Meza lo bisa esaki ta e cosnan cu ta ser bisa y segun nos fiscalistanan nos tin un otro opinion riba esey.

Esey sigur lo por trece un claridad tambe pasobra ora papia di temanan fiscal e ta bira un poco complica pa otronan husga y bo mester expertonan pa husga,” el a señala.

Prome minister Eman un biaha mas a declara cu no tin duda cu Sr. De Meza a cumpli cu tur su pagonan cu mester a cumpli cune y loke aworaki ta den disputa ta e parti di si durante e periodo ey a geef aan cierto cosnan of cosnan cu e fiscalistanan ta discuti.

“Pa nos, laga mi bisa esaki como lider politico, lider di AVP, cu candidato number dos di AVP riba lista, mi nunca a mira otro cu un persona cu a dedica pa sirbi e pais aki, nunca mi a mira ningun luho banda di sr de Meza. Mi a mira un hende cu den su carson cortico ta cana den su barionan, ta semper oyente pa su pueblo, mi no a mira un

hende cu auto grandi, of cu boto grandi, of cualkier cos cu ta muestra di un hende cu ta hiba otro bida cu un bida basa riba servicio publico cu mester duna na nos comunidad. P'esey mi ta kere e merece un proceso hopi husto cu na e momentonan nos ta dunando e espacio p'esey tambe pasobra nos ta papiando di e bon number y e respet cu un persona merece den comunidad aki,” el a

Contestando pregunta tocante e periodo anterior cu Sr. De Meza tabata minister caba y con e lo a pasa e prome screening, teniendo na cuenta e periodo cu DIMP ta bayendo back na dje pa loke ta su cumplimento, e mandatario a indica cu esey ta algo cu e no por drenta den e detaye pasobra na final di dia ta papiando di cosnan priva.

Na mesun momento el a indica si cu e ley tabata diferente e tempo ey. E tempo practicamente si un hende ta bay bira minister y ainda tin algo pendiente, ora e pag'e of yega na un areglo esey tabata practicamente loke tabata ser midi.

Pero aworaki, el a splica, e ta ser corta den dos fase. Uno ta e “fiscal gedrag”, cu ta tocante e cumplimento y despues ta bin e parti di pago.

El a agrega cu eynan ta unda

cu si e persona cumpli mes despues cu tur su pagonan, toch ta keda mira cu e periodo di cumplimento.

Y esey ta e discusion cu tin cu e fiscalistanan di DIMP cu ta bisa un cos y e fiscalistanan di Sr. De Meza ta bisa otro.

Prome minister Eman a subraya cu si nan no por sali afo di e situacion aki, e ora probablemente e caso lo bay corte pa corte por dicide si berdaderamente esaki ta un bon analisis.

E mandatario a splica cu na e momentonan aki Gobernador di Aruba ta na altura di tur argumento y lo haci su ehercicio.

El a indica cu di parti di Sr. De Meza a bisa cu si no tin claridad, e ora ey p's ta hopi importante pa su bon number tambe cu e lo hiba e caso corte pa corte mes husga wak locual un ta bisa, wak kico e otro bisa.

“Finalmente mi ta kere un decision di corte lo por trece hopi claridad den esey y kita e aspecto politico tambe, y dicide den un forma profesional con ta cana. Na mi parecer Sr. De Meza pa su carena, pa su dedicacion pa nos pais, merece di haya tempo y merece di haya un trato husto pa por cana e caminda ki te unda cu e recursonan duna,” el a remarca.

Pa loke ta e funcionamiento di Gabinete AVP-FUTURO cu seis minister solamente, el a splica cu e situacion ta pone un peso grandi riba minister Dowers den e caso aki cu ta cargando e cartera di e di siete minister, ken lo mester tabata De Meza.

El a indica cu den e dianan aki probablemente minister Dowers lo ta mirando tambe riba algun consehero cu e lo por pone banda di dje cu tin conocimiento specifico riba e temanan cu e minister De Meza lo a atende cune.

E ora ey ta bay haya un refuerzo di parti di conseheronan cu por yuda pa e cartera di e candidato minister De Meza por sigui cana mientras cu ta wardando e proceso aki.

Comunidad anticipando apertura di e Bureau

Hopi interes di pueblo pa Bureau Ombudsman

Recientemente, un ciudadano a acerca Bon Dia Aruba pa expresa su preocupacion pa e tardansa cu tin pa habri e Bureau Ombudsman pa publico. Den un reaccion, Bureau Ombudsman a splica cu ainda nan ta den e fase preparatorio.

Sra. Marietje, un ciudadano di Aruba, a conta cu el a nota diferente problema social y economico na Aruba, y cu kier a trece esakinan na atencion di Ombudsman, Sra. Jurima Bryson. Sinembargo, Bureau Ombudsman no a habri su porta ainda, y pa e motibo aki, tampoco nan por cuminsa ricibi keho of informacion for di pueblo. Esaki, Sra. Marietje ta considera inaceptable, ya cu e ta considera e asuntonan cu e kier trece dilanti como algo hopi urgente. Y como cu e no a haya oido cerca Ombudsman, Sra. Marietje a dirigi na Gabinete di Gobernador.

Den un carta cu Sra. Marietje a manda pa Gobernador, Su Excelencia Alfonso Bockhoudt, el a bisa: "Dia 1 di october 2024, Sra. J. Bryson a keda nombra como Ombudsvrouw di Aruba. Esta un momento historico bunita, mi a pensa. Sinembargo, despues a bin e hecho tristo cu e Ombudsvrouw ainda no a habri porta di su oficina pa publico!" Sra. Marietje ta considera cu ya ta casi 7 luna desde cu Sra. Bryson a huramenta, y ta tardando demasiado pa habri porta di e Bureau importante aki.

Den su carta, el a puntra "Kico ta e berdadero motibo cu Ombudsvrouw di Aruba no por of no kier habri su portanan pa publico?", enfatisando cu e situacion ta preocupante pa su persona.

Sra. Marietje ta cuestiona pakico no por habri un loket of balie mientras tanto, cu por cuminsa ricibi e cartanan y archiva esakinan, asina dia e Bureau habri su porta, nan por cuminsa trata nan.

Huramentacion di Ombudsman di Aruba
Dia 1 di october 2024, Presidente di Parlamento na e momento ey, Raymond Kamperveen a ehecuta e huramentacion di Ombudsman, indicando cu conforme cu articulo 5 di ordenansa di



Ombudsman, Parlamento di Aruba ta e organo cu ta nombra e Defensor di Pueblo pa Aruba.

Den un reunion publico di dia 8 di juli 2024, Parlamento di Aruba a dicidi di nombra Mr. Jurima A.R. Bryson pa asumi e puesto menciona di Defensor di Pueblo di Aruba, esta Ombudsman, y conforme esaki el a keda huramenta na parlamento prome cu asumi su funcion.

"...pero awor e trabounan ta bay cuminsa, awor nos ta bay haci e tarea cu nos mester haci pa institui e behoorlijkheidsnormen, e reglanan pa nombra Kinderombudsman, pa tuma personal, pa haci tur cos posibel pa e instituto por cuminsa cana," el a sigura, na e momento. El a indica tambe cu no por duna un fecha exacto ki dia e instituto ta bay habri su porta pa publico, "pero mi ta compromete mi mes si pa traha incansablemente pa e termino cu nos ta bay den start up, pa ta mas cortico posibel. Pero no ta tur cos ta depende di mi so. Tin un trayectoria pa cana, cosnan pa regla prome cu e instituto aki por habri su porta. Esey ta nifica cu nos tin cu haci tur e pasonan corecto pa nos por yega eyan."

Pa por nombra un Kinderombudsman, Bryson a sigura cu e ley ta prescribi cu nan ta haci un nominacion y e ora ey Parlamento di Aruba lo bay nombr'e, igual cu a sucede cu Bryson.

Tocante e motibo pakico Ombudsman ainda no por cuminsa tuma keho, Bryson a bisa na october cu ta pasobra na Aruba, no ta trata di un continuacion di un instituto cu tabata existi caba, manera si ta e caso na e otro paisnan den Reino. Esaki ta nifica cu Bureau Ombudsman na Aruba ta cuminsa for di cero.

Bureau Ombudsman 'con-

sciente cu tin hopi interes di parti di pueblo' Bon Dia Aruba a tuma contacto cu Bureau Ombudsman pa haya clarificacion riba e proceso. Bureau Ombudsman a reacciona bisando cu nan ta consciente cu tin hopi interes di parti di pueblo pa por haci pregunta y/of entrega keho na Bureau Ombudsman. Alabes, nan ta hopi agradecido pa e comprension di parti di pueblo pa duna espacio pa haci e trabao cu ta necesario den e fase preparatorio.

Bureau Ombudsman alabes a sigura cu "tan pronto cu e momento yega cu por habri porta di Bureau Ombudsman y asina cuminsa ricibi preguntanan y/of kehonan, nos lo anuncia esaki via nos medionan di comunicacion."

Tardansa den e proceso ta normal

Ta comprendibel cu pueblo ta contando e dianan prome cu por entrega pregunta of keho cerca Ombudsman, mirando cu a dura años prome cu esaki finalmente a keda introduci na nos pais, y tin un cantidad di asunto social y economico cu ta urgente pa atende. Sinembargo, investigacion di Bon Dia Aruba ta muestra cu e tardansa den e proceso di preparacion prome cu Ombudsman habri su porta ta algo normal.

Manera Sra. Bryson a splica na october, e diferencia entre e Ombudsman na Aruba compara cu esunnan na Hulanda, Corsou y Sint Maarten, ta cu esun na Aruba ta bay cuminsa como e prome Ombudsman, mientras cu esunnan na Hulanda, Corsou y Sint Maarten ya tabatin e Bureau funcionando na momento cu nan a keda nombra.

Por ehemplo, Corsou a nombra su prome Ombudsman na 2003. Pa 2015, ora Sr. Keursly Concincion a keda nombra, e Bureau ya tabata funcionando pa algun año caba, y pues e periodo entre e nombramento y e inicio di su



trabao tabata cortico.

Na Sint Maarten, a establece e institucion di Ombudsman na 2010. E di dos Ombudsman, Gwendolien Mossel, a keda nombra na november y huramenta na december 2018, cu su termino cuminando na januari 2019. Aki tambe por nota cu e periodo ta mas cortico mirando cu e institucion ya tabata funcional.

Mundialmente, e proceso di preparacion prome cu e Ombudsman habri su porta pa publico, normalmente tin un duracion averahe di un año; tin algun a yega di dura hasta tres año den e fase preparatorio.

Mientras tanto, Bureau Ombudsman tin vacatura riba su rednan social pa haya e personal necesario pa por cuminsa opera debidamente.





Relaciona cu celebracion di

Dia di Rey

Ta participa cu NO lo tin edicion regular di Bon Dia y Aruba Today riba dialuna **28 di april, 2025.**

Pa e motibo aki ta haci un suplica na tur esunnan cu ta desea di publica aviso den **Bon Dia y Aruba Today** pa diamars 29 di april pa por favor email na **aviso@bondia.com**



Gerencia



Prevencion di criminalidad lo ta central den maneho di Gabinete AVP-FUTURO

Manera ya ta conoci den comunidad tin un tendencia creciente tocante falta di confiansa den e poder hudicial pa motibo di incidentenan registra recientemente cu no a yuda pa reduci e desconfiansa creciente aki. Den nan programa di gobernacion Gabinete AVP-FUTURO ta remarca e importancia di restaura confiansa di comunidad back den poder hudicial y ta elabora plannan pa haci esaki y pa mehora maneho y funcionamiento di esaki pa bienestar di tur.

Pa logra nan obhetivo a e gabinete ta delinea algun punto di atencion esencial den nan programa di gobernacion. Un punto di atencion importante ta e aspecto di prevencion.

Gobierno entrante tin como meta fortifica e posibilidad pa deteccion tempran den casonan di violencia domestico, delitonan sexual y sigui fortifica e unidad den cuerpo policial dedica na preveni, combati y persigui abuso di menor; nan lo duna mas atencion na prevencion y persecucion den casonan di violencia domestico y lo evalua e proyecto di "Polis di Bario", duna mas contenido na un acercamento multidisciplinario y sigura un bon cooperacion cu tur actor den contexto di e concepto di "Veiligheidshuis."

Ademas di esaki nan lo duna mas contenido na un maneho integral di trafico pa aumenta seguridad, movilidad y eficiencia; lo contribui na un plan di accion integral di prevencion pa evita abuso sexual na cas, den enseñansa, den deporte y otro institucionnan; y lo fortalece resiliencia di hoben contra criminalidad mediante identificacion tempran y prevencion.

Den nan programa di gobernacion Gabinete AVP-FUTURO tambe ta pone atencion na mehora tur aspecto relaciona cu trato di victima. Nan tin como meta percura pa e trato di tur victima ta corecto, humano y sin niun prehuicio; duna mas sosten na victima di crimen pa nan por hunga un rol mas importante y activo den nan propio caso, tambe si nan ta menor di edad.

Tambe tin como meta pa



duna victima guia psicologico na tempo; duna polis training con pa anda cu victima hoben di e miho forma posible; y duna victima y nan famia informacion riba e desaroyo di nan caso conforme leynan existente.

Otro prioridad pa gobierno entrante ta combatimento di crimen cu impacto grandi den comunidad manera, entre otro, delito violento contra e ser humano, pero tambe crimen contra esunnan vulnerable, ladronicia, ladronicia cu violencia, crimen organisa y corrupcion cu por mina e estabilidad di e sistema democratico, traficacion di droga y traficacion di hende.

Gabinete AVP-FUTURO ta subraya cu criminalidad ta desaroya cu tempo y esaki ta haci cu e cuerponan hudicial lo cambia accento y por cambia prioridad basa riba fenomeno criminologico durante e periodo binidero. Coleccion di informacion y analisis di data lo ta instrumental den e proceso aki.

Prevencion di criminalidad lo ta central den maneho di gobierno nobo reduciendo recidivismo den delincuencia. Ora yega na castigo, esaki mester ta efectivo pa coreccion di esunnan envolvi y rehabilitacion di esunnan culpabel pa nan por re incorpora den sociedad.

Alabes gobierno lo amplia e posibilidadnan pa recapacitacion di detencionnan den instituto correccional y lo haci uso di tecnologia moderno pa amplia posibilidad di formacion y rehabilitacion di detencionnan; lo sigura cu e detenido lo ricibi un bon guia di Reclassering na tempo; y lo

introduci un sistema integral di retiro di permiso y deportacion di individuo cu comete cierto crimen.

Topico di adiccion tambe ta un punto di atencion pa e gabinete nobo. Acceso na droga y otro substancia prohibi ta hopi facil riba isla. Pa gobierno conscientisacion riba e tereno aki ta crucial y mester ta un esfuerzo conhunto di sector publico y priva. Proteccion di frontera di pais lo sigui tin un prioridad pa Gabinete AVP-FUTURO. Den e programa di gobernacion ta señala algun punto con nan kier logra esaki.

Lo enfoca riba prevencion di adiccion trahando hunto cu fundacionnan pa brinda e cuadro necesario pa un servicio colaborativo, eficiente y efectivo; lo brinda yudansa na esunnan cu problema di adiccion of problema psicologico pa nan rehabilitacion den comunidad y na beneficio di seguridad en general; lo traha pa mehora seguridad a traves di prevencion y sigui combati consumo, benta y trafico organisa di droga pa medio di conscientisacion y actuacion represivo firme.

Ademas di esaki lo structura un trayecto debido di reintegracion cu enfasis riba desaroyo educacional y vocacional di detenido, specialmente riba area di ingenieria y tecnologia; lo reintroduci e maneho pa reduci presencia di adiccionnan ambulante riba caya den centro di Oranjestad y San Nicolas of persona cu a haya nan mes forsa pa biba y drumi riba caya y percura pa un maneho integral pa reduci cu e molestia y daño cu e personanan aki ta causa na comunidad y nan mes; y

lo evalua efectividad di legislacion existente y analisa posibilidad pa introduci legislacion nobo pa atende cu e problematica di presencia di adicto ambulante riba caya na un forma mas efectivo.

Otro tema di importancia pa Gabinete AVP-FUTURO ta esun di inmigracion. Aruba conoce actualmente un porcentahe halto di personanan indocumenta. For di nan punto di bista, maneho pa cu esaki di e ultimo añanan no a contribui na mitiga entrada di ilegal na Aruba y tampoco soluciona e retonan di personanan indocumenta.

Nan ta remarca cu personanan indocumenta no ta contribui suficiente na e caha di gobierno y hopi biaha ta bira victima di personanan cu ta probecha di nan situacion delicado den comunidad. Pa atende cu e problema aki, gobierno nobo lo introduci un maneho husto y transparente di admision y integracion di stranhero, basa riba e necesidad di isla y acopla na e desaroyo economico.

Lo stimula un cooperacion internacional y interinsular pa limita y finalmente combati entrada ilegal y traficacion humano; lo fortalece

proteccion di frontera a traves di accion preventivo y represivo; lo evalua na ki forma por implementa un maneho pa legalisa personanan indocumenta cu ta biba y traha caba na Aruba; y lo evalua e reapertura di e frontera cu Venezuela, den combinacion cu un control severo pa garantiza cu esunnan cu bin Aruba como turista ta bay bek tambe y lo inicia un dialogo cu tur e stakeholders pa percura cu e maneho ta uno eficiente y prudente.

Como ultimo punto di atencion den e topico di husticia tin seguridad di animal. Pa Gabinete AVP-FUTURO e seguridad y bienestar di tur animal no ta garantiza, y gobierno ta enfatisa cu proteccion di animal ta hunga un papel fundamental den proteccion di biodiversidad.

Gabinete AVP-FUTURO ta reconoce cu specialmente pa cacho y pushi, cualquier plan di accion ta keda rekeri e compromiso di henter comunidad. Aunke cu desde 2015 e ley di cacho a drenta na vigor, ainda nueve año despues, e reto ta hopi grandi.

Den nan maneho pa mehora e situacion di seguridad di animal, gobierno lo implementa diferente programa di conscientisacion y lo continua cu e introduccion di registracion (chip) obligatorio di cacho; lo empodera KPA den bario pa continua cu control necesario y duna boet ora no tin cumplimento; lo sostene programa structural na tur scol riba e importancia di proteccion di animal y kico esey ta nifica pa biodiversidad; lo sostene centralisacion di liñanan di contacto entre organisacion/fundacion activo cu introduccion di un number di telefon central; y lo recomienda uso di programa di sterilisacion na esunnan cu tin reto cu cuido di animal.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Guera comercial y ley... Di selva internacional

Actualmente mayor atencion ta bay na e efectonan economico directo di e guera comercial entre Estadonan Uni y gran parti di mundo. Pero e crisis no lo keda limita na daño economico, cu por ta grandi pero algun dia lo recupera di esey. Loke ta tumando lugar ta un posible redefinicion di e reglanan di wega internacional cu por tin efecto pa varios decada. E region di Caribe manera nos conoce esaki, den e tumulto grandi aki por cambia bastante di caracter, y den hopi caso, no pa mihor.

Historicamente region di Caribe ta un region cu un diversidad cultural grandi, producto di e dominio di varios pais Europeo cu a coloniza e region, manera Gran Bretaña, Francia, Spaña y Hulanda. Hasta Dinamarca tabatin colonia, e actualmente Islanan Virgen Mericano (St. Thomas, St Croix), cu nan a simplemente bende cu Merca, "lock, stock and barrell", manera e dicho ta bisa. Algo cu awendia hopi hende lo a considera como algo cu no por ripiti, cu bo ta bende o cumpra un pais, cu tur hende aden, te cu algun luna pasa presidente Trump a cuminsa papia di anexion di Greenland, cu pa siglos ta pertenece na Dinamarca. Claro cu por discuti ta con Dinamarca a yega na e propiedad ey, pero esey ta un storia pa otro dia. Contal cu awor e teritorio grandi aki ta internacionalmente reconoci como teritorio Danes.

En todo caso, nos ta di regreso den un epoca unda aparentemente ley internacional y respet pa soberania di otro pais ta parece atrobe menos relevante. Manera comenta den algun anterior editorial, nos ta presenciando un reparticion di mundo den esfera di influencia entre algun actor, grandi y poderoso bastante pa sinta na e mesa unda lo reparti e asunto. Esaki ta parece e pensamiento di Trump y su aliadonan politico. Y mirando esaki nos mester contempla kico lo por pasa den nos region den e proximo añanan.

Den e caso aki, nos no ta referi primeramente na e guera economico y e busqueda di aliado di e paisnan den nos region. Importante tambe ta kico lo sucede na momento cu en berdad nos ta den un ambiente unda frontera y respet pa loke ta considera un 'bisiña soberano' cuminsa desaparece. Tuma por ehemplo e caso di e conflicto entre Guyana y Venezuela, e disputa tocante Essequibo, o Essequibo, depende di cual banda bo mira e asunto. Te awor por a mira un proceso di mas di 150 aña, hiba dilanti varios foro di arbitrahe internacional, cu e partidonan involucra a reconoce. Pero awor, cu e falta di reconocimiento di por ehemplo Corte Internacional di Husticia, di parti di hustamente e paisnan mas

poderoso, nos por ta bayendo den direccion di un situacion unda ta ignora e tipo di instancia internacional aki y esun cu ta kere cu e por lo simplemente anexa loke e desea? No ta esey ta e les cu por siña di e caso di Ucrania, unda henter e instituto yama Nacionnan Uni, inclusive su Consejo di Seguridad, a resulta un 'watchdog sin diente' pasobra e paisnan mas interesa den no existencia di ley internacional tin poder di veto? Tur esaki a empeora cu entrada di e actual gobierno di Trump, cu ta duna e impresion di no lamenta si nan no mester dedica placa mas na e proyecto grandi aki, cu e mesun pais ey a yuda lanta y financia tanto aña pasa. Imagina den e caso concreto di Guyana y Venezuela; un invasion Venezolano den e tempo di turbulencia aki sigur no lo topa resistencia di Rusia y China, cu lo bloquee cualkier expresion fuerte di parti di e Consejo di Seguridad. Merca lo reacciona pa proteha e interesnan economico di ExxonMobil na Guyana? O nan ta bisa Gran Bretaña, como e antiguo colonizador y cu bon relacion cu e pais Caribense, pa nan haci algo? Por ta cu gobierno Mericano lo actua contra Venezuela, pero no pasobra Venezuela a viola soberania di su bisiña, segun derecho internacional, sino solamente pasobra mester defende recurso natural valioso, cu nan mes por probecha... Esey ta e mundo di futuro, si cos bay malo.

Tur esaki por tin consecuencia pa nos tambe. Nos proteccion mester bin di e pais Europeo cu cual nos tin un relacion di varios siglo. Den pasado tabatin presidente Venezolano cu tabata referi na e islanan ABC como 'las islas nuestras'. Sin embargo, un tratado di 1648 (Paz di Munster) entre Spaña y e 7 Provincianan Hulandes a determina e reparticion di propiedad riba y cerca di continente Americano. Di esey a surgi e disputa entre Venezuela, heredero di e colonia Spaño, y Guyana, cu tabata un colonia Hulandes. Si Venezuela a base di e tratado ta reclama propiedad, nan no por rechaza e mesun tratado pa loke ta e islanan cu claramente a keda den man Hulandes. Ta demasiado speculation cu algun dia un regimen Venezolano, cu no tin problema pa pone ley internacional un banda, ta bin reclama e islanan? Ademas, nan lo no bin solamente pa reclama un posesion historico, pero lo muestra tambe riba e cantidad grandi di persona cu, naturaliza Hulandes of no, a keda semper cu e opcion di pidi nan nacionalidad Venezolano? Ta asina mal pensa cu ta bay reclama cu 'mester proteha interes' di e potencial ciudadanonan Venezolano na nos isla, manera e amigo Putin a haci na Ucrania, unda supuestamente mester a defende interes di e poblacion di habla Ruso? Ta di spera cu tur esaki nunca sucede, pero si un aña pasa a predecir cu Merca lo menaza bisiña cu anexion, ken lo a kere?

SETAR: Skip the Line, BAN ONLINE!

SETAR como compania innovativo y lider den comunidad ta anuncia su campaña "Skip the Line, BAN ONLINE!", promoviendo e comodidad di paga bo cuenta online.

Den un mundo cada biaha mas digital, SETAR ta ofrece bo varios manera di pago bo cuenta online di un manera facil y sigur, for di e comodidad di bo cas y na e momento cu bo ta desea. Asina aki nos ta haci e bida di nos clientenan mas facil y ta evita pa para den rij.

Paga bo cuenta di SETAR online via Pay.aw, SETAR App, nos Self-Service Kiosk, WhatsApp +297 597-9999, Online Banking of Direct Debit y participa pa gana


AWG 250 tur luna cu e campaña "Skip the Line, BAN ONLINE!". E campaña ta valido durante henter aña. Tur cliente cu paga nan cuenta di SETAR online na un forma digital ta participa automaticamente. Cada 8 di luna, SETAR ta saca 10 ganador cu a paga durante e luna prome. E ganadornan lo ricibi AWG 250 como credito riba nan account di SETAR. Ganadornan lo ricibi un yamada di SETAR y lo wordo anuncia via nos Social Media.

Nos prome ganadornan pa e luna aki ta R. Krosendijk di Sero Biento, R. Boekhouder di Alto Vista, M. Arboleda di Tanki Leendert, D. Geerman di Luna, H. Jagershoek di Amsterdamstraat, L. Leslie di Wayaca, Y. Salazar Serrano

di Tanki Leendert, L. Maduro-Croes di Aliviostraat, B. Moses di Sero Blanco y C. Ramirez Pillaca di Sero Lopez.

Download e app di Pay.aw of e SETAR App awe mes den Google Play Store of Apple App Store, of si bo ta den un di nos Teleshopnan, haci uso di e Self-Service Kiosk pa bo participa.

Bo no sa con pa usa nos Apps of Kiosk? Nos representantenan ta cla pa yuda bo! Simplemente puntra pa asistencia na un Teleshop of contact nos via WhatsApp na +297 597-9999. Den e siman di due date nos coleganan lo ta para na e Self-Service Kiosk pa asisti cu e pago y informacion.



Minister di Finanzas ta avansa cu reunionnan strategico na Washington D.C.

Minister di Finanzas, Economia y Sector Primario, Geoffrey Wever, acompaña pa Minister Plenipotenciario na Washington D.C., Sra. Zulema Erasmus-Dabian, director di Departamento di Asunto Economico, Sra. Maria Dijkhoff-Pita y representante di Departamento di Finanzas, Sr. Louis Paris y Sra. Emelien Kelly, ta participando na e IMF Spring meetings cu ta tumando lugar na Washington D.C. di 22 pa 25 di april.

E prome reunion tabata un presentacion di "Demystifying the World Bank" unda a splica e diferente tipo di productonan y asistencia cu tin disponibel y a duna un splicacion di e cinco (5) institucionnan di e World Bank Group. Aruba, door di ta parti di Reino Hulandes, no ta ricibi fondo di World Bank, pero si por haci uzo di e asistencia tecnico cu nan ta ofrece riba diferente tereno a

base di un acuerdo di pago.

E di dos reunion tabata un encuentro cu e Executive Director di World Bank, Sr. Eugene Rhuggenaath, pa elabora mas riba e diferente productonan y asistencia tecnico cu e World Bank por ofrece. A tuma lugar un dialogo habri riba e desafio cu Aruba ta enfrenta como pais autonomo den Reino, particularmente den acceso na fondo y asistencia tecnico. Minister Wever a gradici Sr. Rhuggenaath pa su disponibilidad pa pensa hunto cu e islanan den region y explora manera pa amplia uzo di e recurso cu e World Bank tin disponibel.

Mas durante e dia, Minister Wever a reuni tambe cu Sr. Matthew Byrne, Director di CARTAC (Caribbean Regional Technical Assistance Centre) y Sra. Priyanka Chaturvedi di IMF su division di Global Partnerships. A trata e portfolio di trabou realiza cu Aruba y a identifica

areanan pa futuro colaboracion, incluyendo maneho presupuestario, fortaleza di institucionnan fiscal y desarrollo di capacidad local. Tambe a papia di asistencia tecnico den cuadro di Climate Change Risk Financing, un topico cu tin hopi atencion den organisacionnan internacional y di Hulanda.

Tambe a reuni cu varios representantenan di Hulanda na World Bank y IMF cu kendenan a intercambia informacion valioso pa sigui cu un bon cooperacion cu World Bank, IMF y Hulanda.

"E tipo di colaboracion tecnico y institucional cu World Bank, IMF y CARTAC ta ofrece ta crucial pa Aruba su sostenibilidad fiscal y desarrollo economico", segun Minister Wever.

Minister Wever a inicia tambe cu reunionnan cu instancianan financiero y lo sigui e trayecto cu encuentronan importante den e diano binidero, incluyendo banco internacional y agencia di "credit rating", pa representa Aruba su interes den un manera proactivo y strategico.

Acompañamento mediatico ta genera critica. Algo cu a hala atencion – y a genera critica entre ciudadanonan – ta e hecho cu e minister a bay compaña pa Brian Koolman, representante di portal noticiero 24ora. Mientras cu e medio ta reportando riba e reunionnan y trabao di e minister na Washington,



ciudadanonan riba rednan social a critica e decision di inclui un medio di comunicacion priva den e delegacion oficial di Aruba cu ta bishitando institucionnan di importancia internacional.

"Kico Brian a bay haci? Negocia?" un usuario di Facebook a cuestiona. Otro usuarionan a cuestiona si gobierno ta cubriendo e gasto di e biahe pa e reportero usando fondonan publico, of si ta e medio a financia su propio biahe. Mayoria di comentario a enfoca riba e hecho cu no ta inusual na Aruba cu gobierno ta inclui medianan di comunicacion na momento di biaha, pero ta critica esaki como mal gastamento di placa. "Abuso cu placa di pueblo a cuminsa," otro usuario a lamenta. "Ta na unda di mundo bo ta tende cu un persona cu ta

duna noticia ta biaha, haya tur cos paga?" otro usuario a agrega. "E placa no ta di nan."

Mirando cu no tin confirmacion pa e rumornan riba rednan social indicando cu ta gobierno a paga pa e reportero bay como parti di e delegacion, Bon Dia Aruba a manda pregunta pa minister Geoffrey Wever, pidiendo si e por confirma of clarifica e situacion.

"Mi no a paga 24ora niun florin pa cubri e biahe aki," Wever a reacciona. El a splica cu e medio a yega di compaña e minister mas biaha durante biahenan, pero ta riba nan propio costo. "E unico cos cu nos ta haci ta duna nan acceso na nos agenda," pa nan sa unda pa bay pa saca potret y reporta riba e hechonan. "Pero zero payment," el a finalisa.



Ministro encarga cu Salubridad ta anuncia cu entrante **25 april 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un petición cu a ser haci pa obtene un **slijvergunning** pa e parcela na **Sabana Grandi 34-G**. E permiso aki ta conncerni e.o. benta di bebida sterki y zwak por detal y pa consumi únicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediación di Director di Departamento di Legislacion y Asunto Huridico, Schotlandstraat 53.

Hulanda: Cantidad di caso di sarampi ta cay atrobe; mayoria cluster ta disparciendo

(NLTimes)—Un total di 25 caso nobo di sarampi a ser registra na Hulanda siman pasa, cual ta un otro caida compara cu e siman anterior. E clusternan den scolnan na Amsterdam, Almere, Den Haag y Helmond a cuminsa disparce, segun Rijksinstituut voor Volksgezondheid en Milieu (RIVM) a reporta. Apenas un scol primario na Rotterdam ta reportando casonan nobo.



RIVM a reporta siman pasa cu un cluster a aparece den un crèche den e region Hollands Midden di GGD, bao

cual areanan manera Leiden y Gouda ta cay. Varios caso nobo a ser reporta eynan.

Awor tin 310 caso di sarampi confirma desde comienso di aña. Esey ta e cifra mas halto di caso desde un brote na 2013. Mayoria pashent no ta vacuna y nunca a haya sarampi prome.

Sarampi ta aparece den mucha bao edad di 10 aña. Hopi di e casonan a aparece den scolnan publico, Islamico y antroposofico. Tabatin 27 caso di hende cu a contrata sarampi na Maroco y tres persona cu a contrata e vi-

rus na Rumania. Ademas, un persona na Hulanda a contrata sarampi na Tailandia, unda actualmente tin un brote grandi, y un a ser infecta na Belgica.

E malesa ta causa mancha riba cuero y wowonan infecta. Mayoria hende por cura di e infeccion riba nan mes, pero por tin complicacion den cierto caso. Esaki por resulta den infeccion di pulmon of meningitis.

Novavax ta bisa cu su inyeccion di COVID-19 ta na caminda pa aprobacion di FDA despues di un retraso



(AP)—E vacuna contra COVID-19 di fabricante Novavax ta riba caminda pa haya aprobacion completo despues di discusionnan adicional cu e Food and Drug Administration (FDA), e compania a bisa diaranson.

E noticia e causa un aumento di mas cu 21% den e shares di e compania y a aparece di resolve preocupacionnan cu oficialnan di e administracion di Trump por tin pa un decision riba e vacuna. Novavax ta fabrica e unico vacuna tradicional di COVID-19 basa den proteina. Ainda e ser bendi bao autorisacion di uso emergente, no manera e vacunan di mRNA di Pfizer y Moderna cu a haya aprobacion completo di FDA pa cierto gruponan di edad.

FDA a puntra Novavax recien pa desaroya un plan pa colecta mas data clinico for di esnan cu ya a haya e vacuna, e compania a bisa den un declaracion. El a bisa cu e ta "den comunicacion cu FDA" cu e speransa pa haya aprobacion "lo mas pronto posible."

Na FDA, aprobacion completo pa vacuna ta un standard importante. E agencia tabata riba caminda pa aproba e licencia di Novavax pa dia 1 di april, segun dos persona cu conocimiento directo di

e situacion cu a papia riba condicion di anonimidad pa discuti asuntonan confidencial di e agencia.

Pero e comisario di FDA, Dr. Sara Brenner, a dirigi e oficial principal di e agencia encarga cu e proceso di e vacuna pa pausa e decision, segun un di e fuentenan. E retraso aki a causa preocupacion di interferencia politico bao Robert F. Kennedy Jr., ken a pasa decadas ta liderando gruponan antivacuna prome cu el a dreña e administracion federal como secretaria di Salud.

Luna pasa, e hefe di vacuna di FDA, Dr. Peter Marks, tabata forsa pa retira debi na desacuerdonan cu Kennedy tocante seguridad di vacuna. Cu aprobacion completo di FDA, Novavax lo tin permiso pa mantene su inyeccion riba e mercado indefinitivamente. Productonan cu ta ricibi autorisacion emergente por ser kita pa FDA despues cu esaki no ta un emergencia mas.

Tur e vacunan di COVID-19 usa den Merca ta entrena e curpa pa combati e coronavirus por medio di reconoce su capa mas pafu, e proteina peplomer.

E opcionnan di Pfizer y Moderna ta duna instruccion genetico pa e curpa tem-

poralmente traha copianan di e proteina. Al contrario, e vacuna di Novavax ta usa copianan di e proteina peplomer traha den laboratorio paketa den nanoparticulonnan y combina cu un ingrediente

cu ta acelera e sistema inmun. Vacunan basa den proteina a ser usa pa años pa preveni otro malesa incluyendo hepatitis B y shingles.

Tur aña, e tres fabricantenan

ta actualisa nan receta di vacuna pa asina por aborda e ultimo variantenan di COVID-19 cu ta circulando, manera con vacunan di gripe ta ser actualisa tur aña.



JOB OPPORTUNITY

Instituto Medico San Nicolas (ImSan) is a Joint Commission International-accredited (JCI) hospital since the 24th of June 2023.

ImSan is offering an opportunity for one (1) qualified Family Physician to work together in a newly established HOED (Huisartsen Onder Een Dak) in San Nicolas. The concept of a HOED involves multiple family physicians working collaboratively under one roof, providing comprehensive primary care services to the community. This model allows for better coordination of care and improved access to healthcare services for patients.

ImSan is looking for a compassionate and dedicated Family Physician to provide top-notch medical care, tailored to the specific needs of their patients.

One of the many advantages of working at ImSan is that our hospital will manage the HOED, freeing the physician to focus on what they do best – providing care and cure. This means that administrative tasks and other non-clinical responsibilities will be handled by the hospital, allowing the physician to dedicate more time to patient consultations, diagnosis, and treatment.

Supporting staff, amongst others, certified doctor's assistants, POHs, and secretaries will be provided by ImSan.

We are seeking a certified Family Physician who is an expert in diagnosing and treating a wide range of health conditions for patients of all ages. Our facility is centrally located in San Nicolas with parking and easy access for all patients.

If you are interested to join our Family Physicians, please send your job application letter and curriculum vitae to Mrs. Elisa Campbell – Duijm, Human Resource Manager by May 5th, 2025 via email at hr@imsan.aw.

We look forward to welcoming you soon.

redefining patient care

Famia Real lo no bay entiero di Papa riba Dia di Rey

Minister President Schoof lo representa Hulanda

(NLTimes) – Rey Willem-Alexander y Reina Maxima lo no asisti na e entiero di Papa Francisco diasabra awor. E pareha real y nan famia lo celebra Dia di Rey na Doetinchem manera planea, aunke e festividadnan lo cuminsa despues, e servicio di informacion di gobierno RVD a anuncia. Prome minister Dick Schoof y minister Caspar Veldkamp di asuntonan exterior lo representa Hulanda na e entiero.

Papa a fayece dialuna na edad di 88 aña. E lo ser dera den Basilica di Santa Maria Maggiore na Roma. Schoof a yama



e Papa “un ehempel pa hopi” y “den tur cos un homber en-

tre hende.” Veldkamp a hay’e “un fuente di inspiracion.”

Belgica y Spaña a dicidi di manda nan pareha real pa e entiero, pero e famia real Hulandes lo keda Hulanda pa celebra Dia di Rey manera planea.

E festividadnan na Doetinchem lo cuminsa un ora despues, pero e programa lo keda mescos, un vocero di e municipio a bisa. “Nos ta respecta e situacion cu a surgi y ta contento cu e cooperacion di tur hende cu ta hacie posibel pa cuminsa cu e programa un ora despues,” asina alcalde Mark Boumans a bisa. E transmision di Dia di Rey



tabata programa pa cuminsa 10:45 a.m., pero awor lo cuminsa merdia pa motibo di e entiero di Francisco. E despedida di Papa ta cuminsa 10:00.

Willem-Alexander y Máxima a bisa dialuna cu nan tabata

“profundamente afecta” pa e morto di e Papa. “Nos ta corda nos encuentronan personal cune cu calor, incluyendo durante nos bishita estatal na Santa Sede na 2017. Papa Francisco a radia compasion den tur cos.”

Huicio pa asesinato di cuater periodista Hulandes na El Salvador posponi

(NLTimes) – E huicio tocante asesinato di cuater periodista Hulandes na El Salvador na 1982 a ser posponi te dia 3 di juni, asina Gert Cuiper, ruman di un di e periodistanan asesina, a bisa NOS. E huicio mester a cuminsa na El Salvador ayera, 23 di april. Cuiper y otro sernan ker cu a sobrevivi ta den e pais caba.



Periodistanan Koos Koster, Jan Cuiper, Hans ter Laag, y Joop Willemsen tabata na El Salvador na 1982 pa informa tocante e guerra civil cu tabata reinando e tempo ey pa e emisora Icon cu awor no tin mas. Soldadnan di gobierno a intercepta nan ora nan tabata trata di drenta territorio di guerrilla dia 17 di maart y a tira nan mata. Aña pasa, a anuncia cu, despues di mas

cu 40 aña, lo tin un huicio.

Un di e sospechosonan ta e ex Minister di Defensa di El Salvador, José Guillermo García. E di dos sospechoso ta Francisco Antonio Morán, kende tabata traha pa un servicio special di polis, y e di tres ta ex-coronel Mario Reyes Mena.

“E ta un decepcion grandi,”

Cuiper a bisa NOS. “Nos tabata ansioso pa esaki como miembronan di famia. Nos tabata spera riba e reconocimiento cu e tabata asesinato premedita y cu e individuanan lo ser condena.”

E huicio a ser posponi pasobra un di e abogadonan di e sospechosonan no por a asisti na e audiencia. “Un triki legal cu hopi biaha ta ser usa den



casonan mas serio relaciona cu guerra civil pa evita cu hende ser castiga,” Cuiper a bisa. E famia di e periodistanan di Icon a spera cu triki manera esaki lo a pospone e huicio, pero no cu e lo a ser posponi pa mas cu un luna.

Sonja ter Laag, ruman muher di Hans ter Laag, tambe ta hopi decepciona, “Bo ta bibando den direccion di e

punto cu porfin, porfin e huicio lo cuminsa.” E no sa ainda si e lo regresa dia 3 di juni pa e fecha nobo di audiencia. “Mi ta sinti manera: si mi no bay dia 3 di juni, e audiencia ta sigui, y nan ta ser condena, lo mi lamenta esey masha hopi mes,” el a bisa. “Ainda mi mester pensa riba dje cuidadosamente.”

Hulanda permiti para refugio pa ciudadanonan di tercer pais: Consejo di Tweede Kamer

(NLTimes) – Gobierno Hulandes a ser permiti pa caba cu e refugio y proteccion di ciudadanonan di tercer pais for di Ucrania na 2023 mientras cu ainda ta ofrece refugio na refugiadonan Ucrainiano, Consejo di Tweede Kamer a dicta riba tres caso separa diaranson.



E decision aki ta conta pa ciudadanonan di tercer pais cu tabatin residencia temporal na Ucrania ora Rusia a invadi. Mescos cu pa e Ucrainianonan, Hulanda mester ofrece refugio y proteccion na ciudadanonan di terser pais

cu tabatin residencia permanente na Ucrania ora e guerra a cuminsa, y tambe na hendenan sin estado cu a huy for di e pais.

Na juli 2022, e Secretario di e Tweede Kamer di e tempo ey Eric van der Brug di Asilo a dicidi di stop di ofrece refugio na no-Ucrainianonan

cu tabata studia of traha na Ucrania cu permiso temporal y a huy bay Hulanda ora e guerra a cuminsa. Nan lo no ta cubri mas pa e Directiva Temporal Europeo pa refugio refugiadonan di Ucrania ora Europa a extende esaki na october 2023 pa maart 2025. Hopi hende afecta a hiba e asunto corte, loke a resulta den diferente decision. Esey a pone cu Consejo di Tweede Kamer a puntra Corte di Husticia Europeo tocante e asunto aki.

E corte Europeo a dicta na december 2024 cu estadonan miembro di EU por termina proteccion temporal pa ciu-

dadanonan di tercer pais cu tabata biba temporalmente na Ucrania mas trempan cu pa Ucrainianonan, personanan sin estado, y ciudadanonan di tercer pais cu residencia permanente. E proteccion pa e ultimo tres gruponan ta obligatorio, pero opcional pa ciudadanonan di tercer pais cu residencia temporal. “Esaki ta nifica cu un Miembro di Estado EU no ta obliga pa duna proteccion na e grupo ey, pero e por hacie.”

Despues di e decision di Corte Europeo, e Consejo di Tweede Kamer awor a dicta definitivamente cu e gobi-

erno a ser permiti pa caba cu e refugio pa e grupo aki. Hulanda a haci esaki oficialmente dia 4 di maart 2024. “Esaki ta nifica cu for di 4 di maart 2024, nan no tin derecho di biba na Hulanda a base di e Directiva Temporal Europeo,” Consejo di Tweede Kamer a bisa. Corte administrativo mas halto di Hulanda a agrega cu e Secretario di Tweede Kamer no tabatin mag di ordena ciudadanonan di tercer pais pa bandona EU prome cu 4 di maart 2024. El a haci esaki den varios caso. E Consejo di Estado a anula e decisionnan di regreso ey.

Corsou: Consul general di China ‘profundamente preocupa’ pa hortamento riba empresa Chines

(CuraçaoChronicle) – Consul General di China a expresa preocupacion serio tocante e cantidad creciente di robo contra doñonan di negoshi Chines na Corsou. E preocupacion aki a keda resalta durante un conferencia na World Trade Center (WTC) ayera, na cual hopi entrepreneur local a asisti.

Segun cifranan presenta du-



rante e conferencia, Corsou a registra 133 robo na 2023, di cual 13 tabata contra negoshi

Chines y cuatro na cas di comerciante Chines. Te awo e aña aki, a reporta 41 robo,

incluyendo siete incidente involucrando establecimentonan propiedad Chines y dos na residencia.

Den respuesta na e estadisticanan alarmante aki, Consulado Chines a tuma contacto cu Cuerpo Policial di Corsou (KPC) pa discuti con e consulado por duna sosten na e proceso investigativo y yuda mehora servicio pa comerciantenan Chines.

E conferencia tambe a atende proteccion consular, resaltando e rol di e consulado den salvaguardia e derecho y bienestar di ciudadanonan Chines den exterior. E Consul General a insisti riba e importancia di colaboracion cu autoridadnan local pa preveni mas incidente y sigura cu empreternan Chines por opera den un ambiente sigur.

No tin menasa inmediato for di Venezuela pa islanan ABC, segun ministernan Hulandes

(CuraçaoChronicle) – Actualmente, no tin motibo pa preocupacion relaciona cu potencial agresion di Venezuela pa e islanan ABC – Aruba, Bonaire y Corsou – segun ministernan Hulandes di Defensa, Ruben Brekelmans y di Asunto Exterior, Caspar Veldkamp.

Nan declaracion a yega como respuesta na pregunta di parlamentarionan Jan Paternotte, Anne-Marijke van der Werf y Kiki Bamenga (tur di D66), despues di un carta di gobernador di Bonaire, John Soliano.

Soliano a expresa preocu-



pacion pa loke el a describi como un “posibilidad creciente di menasa militar for di Venezuela” y a puntra e ministernan con defensa y sosten pa Bonaire lo keda regla den caso di un atake.

Den nan contesta, e ministernan a enfatisa cu no tin indicacion di un nivel eleva-

di menasa pa ningun di e partinan Caribense di Reino. Nan a nota cu servicionan di inteligencia Hulandes, AIVD y MIVD continuamente ta monitoria e desaroyonan politico y militar na Venezuela, incluyendo cualkier posible implicacion pa Aruba, Bonaire y Corsou.

No tin actividad militar cerca di Bonaire

Respondiendo na pregunta parlamentario, e ministernan a clarifica cu no a detecta actividad Venezolano recien cerca di Bonaire. Nan tambe a enfatisa cu e nivel di preparacion di ehército Venezolano ta keda abao, a pesar di

inversion y sosten reciente di aliadonan internacional manera Rusia, Iran y China. Segun Servicio di Inteligencia Militar y Seguridad (MIVD), forsan arma Venezolano ta continua enfrentando retonan severo, incluyendo escasez mayor di personal, capacidad limita pa training, y ekipo den mal condicion. Esaki ta resulta den un preparacion operacional abao.

Medida adicional no ta necesario

E ministernan a sigura cu mientras cu ambiente di seguridad global a empeora, actualmente no tin necesidad pa medida militar adicional especificamente pa Bonaire of

otro islanan di Caribe Hulandes.

Sinembargo, plan di inversion den defensa ta actualisa regularmente, y ta bay inclui preparacion pa menasa militar, olanan di migracion y desaster natural.

Si e situacion di Venezuela cambia den un manera cu ta afecta seguridad di Reino, ta bay informa Parlamento Hulandes inmediatamente, e ministernan a confirma. Pa awo, forsan di defensa Hulandes ta continua ehecutando operacionnan di rutina den e region, cu mas di mil personal militar y civil stationa den parti Caribense di Reino, incluyendo Corsou y Aruba.

Parlamentarionan Hulandes ta expresa preocupacion pa aumento di arma na Corsou

(CuraçaoChronicle) – Parlamentarionan Hulandes, Lisa White y Songul Mutluer di partido GroenLinks-PvdA, a expresa preocupacion serio riba e problema creciente di posesion di arma na Corsou. Nan preguntanan por escrito na minister di Husticia y Seguridad, Van Weel, y Secretario di Estado Zsolt Szabo, ta resalta loke nan ta describi como un problema urgente cu ta existi mas atencion y sosten di Hulanda Europeo.

Den un serie di nueve pregunta entrega na e ministernan, e parlamentarionan a puntra si gobierno Hulandes ta na altura di e retonan andando relaciona cu arma di candela riba e isla y si ta comparti nan preocupacion.

Nan tambe kier sa si e aumento den preocupacion pa arma di candela ta limita na Corsou of ta extende na otro parti Caribense di Reino, incluyendo Aruba, Sint Maarten y islanan BES.

White y Mutluer ta particularmente interesa den e capacidad di agentenan local di ley pa responde efectivamente na e asunto. Nan a puntra si e islanan tin suficiente recurso pa combati e importacion ilegal di arma di candela via lama, y si polis y aduana tin e hermentnan cu nan mester pa investiga y aplica medidanan di control di arma.

E parlamentarionan tambe a presiona pa contesta tocante e prevencion di participacion di hoben den crimen cu arma, cuestionando si programanan hubenil y trahadornan social tin capacidad pa interveni suficientemente trempan. Nan a puntra ki rol Hulanda por tin den e reforsa esfuersonan preventivo pa reduci comportamiento criminal entre hoben.

E parlamentarionan a pidi un splicacion detaya di kico gobierno Hulandes ta haciendo actualmente pa sostene e islanan di Aruba, Corsou y Sint Maarten den combati violencia cu arma, como tambe

e islanan BES. Nan tambe a cuestiona e medidanan tuma den henter Reino pa stop trafico ilegal di arma, tanto via lama como riba internet.

Comercio ilegal di arma online a keda resalta como un riesgo emergente, cu e parlamentarionan puntrando si partnernan den Reino ta trahando suficientemente cerca pa combati e menasa aki. Si no, nan kier pa gobierno haci un revision conhunto cu e islanan pa reforsa nan maneho.

Curaçao Chronicle anteriormente a reporta riba aumento di violencia cu arma na e isla, particularmente entre hoben, relaciona cu actividad di gang. E preguntanan recien aki di parlamentarionan Hulandes ta subraya e conscientisacion creciente na Den Haag cu retonan local ta rekeri solucion na nivel di Reino – no solo den aplicacion di ley, sino tambe prevencion y sosten social.

Ta spera cu e ministernan lo responde por escrito den proximo simannan.



**TRABOU DI MANTENCION RIBA LIÑA
DI DISTRIBUCION ALTO VISTA**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diaranson, 30 di april 2025
8:00 AM te cu 2:00 PM

Den vecindario di:
• Alto Vista (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.


ELMAR

Colombia: Gobierno ta revela pregunta pa referendum riba reforma laboral

(AP) — Presidente Colombiano riba diamars a publica e contenido di un propuesta di referendum riba reforma di ley-laboral di e nacion, cu ta busca duna empleado mayor acceso na beneficio di salud y pago di overtime. Si aproba esaki, sinembargo, e lo por hacie mas dificil pa crea trabao na e di cuatro economia mas grandi di America Latino.



Ministerio di Interior a publica 12 pregunta cu tin plan pa inclui den un referendum nacional, conoci na Colombia como un consulta popular. Ainda no a pone un fecha pa e referendum, cu ainda ta rekeri aprobacion di Senado Colombiano.

Votadornan mester indica si ta di acuerdo of desacuerdo cu reforma di ley laboral di Colombia, incluyendo rekeri plataformanan di entrega di cuminda duna seguro di malesa pa freelancer, y rekeri companianan paga nan empleado dobel si nan traha riba diadomingo.

Otro pregunta ta si “trabao den dia mester bay di 6am

pa 6pm”, implicando cu empleadonan cu traha fuera di e orario aki lo mester ricibi pago adicional.

Gobierno anteriormente a propone pa companianan paga empleadonan un bonus di 35 porciento pa cualkier ora traha fuera di orario regular di dia.

Gruponan comercial na Colombia ta oponer e reformanan, argumentando cu nan ta bay hacie mas dificil pa empresanan chikito y mediano duna contract laboral adecuado pa nan trahadornan, mientras ta curasha nan pa contrata hende informalmente, pagando nan cu cash.

Gruponan comercial tambe a argumenta cu e reformanan di gobierno ta haci tiki pa crea trabao nobo.

“Reformanan di gobierno no ta reconoce e realidad di 16 miyon trahado informal y hende desemplea na Colombia,” Jaime Alberto Cabal, presidente di Asociacion Nacional di Comerciante di Colombia, a bisa den un video publica riba X.

E referendum tambe ta bay puntra votadornan si mester crea un fondo special pa duna pensioen na trahadornan rural, y si mester obliga companianan pa contrata “al menos dos persona cu discapacidad

pa cada 10 empleado.”

Den un discurso dialuna, presidente Gustavo Petro a bisa cu e ta bay dirigi un marcha na Congreso Colombiano dia 1 di mei proximo, pa presiona legisladornan pa duna luz berde na e referendum. “Ta ora pa pueblo haci su propio decisionnan,” Petro a bisa dialuna den un discurso televisa nacionalmente, den cual el a argumenta cu Congreso Colombiano ta purbando di “nenga e pueblo” e derecho di dicidi nan futuro.

E empuhe di gobierno pa un referendum ta yega mientras e presidente Colombiano no ta logra pone Senado di e nacion pasa legislacion riba ley laboral y cuido di salud, cu ta central pa su agenda economico.

Petro awo ta purbando di haya un manera pa evadi e impasse, door di pasa algun di su reformanan mediante un referendum, un movida cu ningun gobierno Colombiano a yega di intenta antes.

Analistanan politico ta bisa cu ta bay ta dificil pa e presidente ricibi suficiente votador pa sostene su propuestanan, hasta si nan ta zona atractivo

pa trahadornan buscando mas derecho.

Bao ley Colombiano, al menos un tercer parti di e votadornan eligibel di e nacion mester participa den consultanan popular pa nan resultado carga peso legal. Esey ta nifica cu e referendum proponi lo mester aproximadamente 13 miyon voto pa por implementa su resultadonan.

Petro a gana eleccion na 2022 cu 11 miyon voto.

“Por tin actornan institucional, manera sindicatonan di labor, cu ta hopi interesa den e referendum aki,” segun Yan Basset, un analista politico na Universidad Rosario di Bogota. “Pero nan capacidad pa mobilisa votadornan ta limita.”

Basset a bisa cu e referendum ta duna Petro un motibo pa mobilisa e basenan di su partido, prome cu eleccion presidencial proximo aña, dunando e partido di e presidente un bentaha electoral. Pero si e referendum no pasa, e por haci daño na e presidente, Basset a bisa, pasobra “e idea cu e ta representando e interes di pueblo” lo perde credibilidad.

Guatemala ta aresta lider indigena di protesta na 2023, acusando e di terrorismo

(AP) — Autoridadnan Guatemalteco diaranson a aresta un lider indigena di protesta nacional na 2023, cu a busca pa sigura e transicion di e presidente electo e tempo ey, Bernardo Arevalo, pa yega na poder, mientras na mes momento a exige renuncia di e Procurador General di e pais.

Oficina di Procurador General ta acusa Luis Pacheco, kende awo ta sirbi den gobierno di Arevalo, di terrorismo y asociacion ilicito, segun un oficial cu a papia di manera anonimo pa referi na un caso seya.

Na october 2023, Pacheco a lidera un alianza di 48 comunidad indigena den protes-



tanan pacifico cu a shut down autopistanan na Guatemala pa tres siman.

A pesar di e victoria rotundo di Arevalo e augustus ey, oficina di Procurador General a continua investigando e eleccion y miembranan di partido di Arevalo, acusando nan di, entre otro, colecta firma inapropiadamente pa formacion di e partido.

Procurador General, Consuelo Porras ta enfoca di hopi

di e rabia aki, ya cu el a nenga di retira of stop su investigacionnan riba partido di Arevalo. Gobierno Mericano a sanciona Porras pa impedi investigacion riba corrupcion.

Presidente Arevalo a bisa ayera cu e aresto tabata sin base y cu e ta “criminalisa principio y derechonan cu ta garantisa.”

Abogado Francisco Vivar a bisa cu agentenan federal no a duna nan acceso na e cas

unda Pacheco a keda aresta y cu nan no a mir’e desde su aresto.

Pacheco, un miembro di pueblo K’iche’, a bisa e tempo aya cu e momento decisivo pa e comunidad cu e tabata representa tabata un inval riba oficinanan electoral transmiti en bibo, den cual agentenan federal a habri y bay cu caha conteniendo actanan di votacion – a pesar di resistencia di algun oficial electoral. “Pueblo ya a vota y bo tin cu respecta e decision tuma,” el a bisa e tempo aya.

Despues cu Arevalo a asumi su cargo, Pacheco a keda nombra como vice-minister di Desaroyo Sostenible den ministerio di Energia y Mina.



ANUNCIO/BLBA/035/25

Mediador di Gobierno na Aruba ta anuncia cu a base di articulo 1 inciso 2 di “Arbeidsvredebesluit 111” cu e siguiente peticion a ser ricibi pa tene un Referendum bao di e empleadonan di e empresa menciona aki bao

Number **peticionario**: “Sindicato pa Empleadonan Publico y Privado di Aruba (SEPPA)”

Number **EMPRESA**: “Fundacion Facilidatnan Deportivo (FFD)”

Atencion ta wordo poni ariba posibilidad pa sindicatonan interesa pa dentro di 14 dia despues di e fecha di e anuncio aki, trece nan deseo pa participa na dicho Referendum na conocimiento di Mediador.

Oranjestad, 23 di april 2025
Mediador di Gobierno
Anselmo Pontilius

Republica Dominicana: Doño di club Jet Set ta sigura cu e ta asumi su responsabilidad despues di tragedia cu a laga 232 morto

(DiarioLibre) - “Mi ta e prome cu kier sa kico a pasa.” Asina Antonio Espaillet a resumi su estado di animo ora el a papia publicamente pa prome biaha tocante e derumbe di e dak di e club nocturno Jet Set, un tragedia cu a laga 232 persona morto y mas di 180 herida.



sario Dominicano a reconoce cu e establecimiento nunca a ser sometido na un evaluacion structural, pero cu nunca a haci renobacionnan cu lo a

altera e seguridad di e edificio, cu antes tabata un cine, cumpra un 40 aña pasa. Tur e cambionan tabata decorativo.

Espaillet no tabata den e pais riba e dia di e destruccion, pero su ruman muhe si tabata tey. “Ta un milager cu e ta na bida; e tabata pega bou di e escombronan ora cu el a yama mi pa bisa mi kico tabata pasando. Mi tabata na Merca pa trabou, pero mi a sali mesora pa Republica Dominicana”, el a bisa. “Mi mester tabata cynan.”

awar, necesario pa motibo di e suministro instabil.

Durante e entrevista, Espaillet a ripiti su deseo pa sa e berdad: “Mi ta e prome cu kier sa kico a pasa.” Tambe el a nenga rumornan tocante negligencia of supuesto ofertanan pa haci reparacionnan structural: “Mi a tende di un calculacion, pero ningun hende a acerca mi cu esaki”, el a bisa.

El a referi na e informenan di e mal estado di e dak, supuestamente evidencia pa e panelnan di plafond. El a splica cu esakinan a ser cambia frecuentemente pasobra condensacion di e tubonan di aircro bou di plafond tabata dañan nan, no pasobra tabatin lek.

Ademas di busca contesta, e comerciante a expresa su disponibilidad pa asumi cualkier responsabilidad cu por cay

riba dje. “Mi ta bay enfrente loke cu mi tin cu enfrente, loke cu ley ta bisa,” el a bisa.

Tambe el a revela cu el a inicia contacto cu famianan di victimanan y empleadonan defunto. “Mi a papia cu varios famia afecta, trankilisando nan cu nan no ta nan so. Un di nan mester di yudansa pa dos mucha muhe huerfano por caba scol,” el a bisa. “Mi ta aki, mi no ta bay sconde.” Espaillet a declara cu e magnitud di loke a pasa mester sirbi como un yamada di atencion pa henter e pais. “E mester ta un yamada di atencion pa ta mas atento, pa cambia,” el a refleha.

Na final di e entrevista, el a dirigi su mes na e famianan: “Mi ta disculpa, mi ta disculpa hopi. Mi ta devasta, pero mi ta aki pa deal cu loke a pasa.”

Trinidad y Tobago: Gobierno ta trahando pa trece ciudadanonan cas back

(TrinidadExpress) - **Prome minister Stuart Young a bisa ayera cu gobierno ta haciendo e trabounan necesario pa atende cu e situacion cu ta involvi e muhe y muchanan pega den camponan di refugiado na Siria.**



Young tabata comenta riba e declaracionnan haci pa hefe di e Comision di Repatriacion Nizam Mohammed di-aluna.

Mohammed a bisa cu e Muslimannan, particularmente na luganan manera San Fernando West, mester retene nan votonan si nan no haya un compromiso incuestionabel di e partidonan politico tocante kico nan ta bay hasi tocante e “muhe y muchanan cu ta sufri” cu a ser “bandona”.

Lider di Congreso Nacional Uni (UNC) Kamla Persad-Bissessar a pidi pa hende vota pa UNC y e situacion di repatriacion lo ser drecha.

Ora a puntra prome minister Young pa un comentario riba e yamada di Mohammed pa e musulmannan retene nan voto, a declara via WhatsApp: “Mi a mira e comentarionan di Sr. Mohammed y su sugerencia na nos rumannan musulman. E asunto di e repatriacion di ciudadanonan di Trinidad y Tobago for di zonanan di conflicto ta un asunto cu ta sigui ta bou di consideracion y ta ser haci door di autoridadnan logrando e meta aki. Tin varios brasa di Gobierno haciendo e trabao necesario pa atende e asunto hopi complejo aki cu comprendiblemente ta carga hopi emocion.”

Tin aproximadamente 21 hende muhe y 56 mucha den e camponan di refugiado na Siria.

Mayoria di e ciudadanonan aki a ser reuni na fin di 2018 of comienso di 2019 door di e Forsanan Democratico Sirio respalda pa Merca ora nan a tumba e ultimo resto di “califato” di ISIS den noordoost di Siria.

Di acuerdo cu Human Rights Watch (HRW), e condicionnan na e camponan ta ser bisa di ta grave, cu cuido di salud inadecua, awa limpi, refugio, educacion y recreacion. HRW tambe a acusa gobierno di a bira lomba pa e ciudadanonan di e isla cu ta deteni na Siria.

Gobierno, sinembargo, a bisa cu tin retonan pa repatria e hende muhe y muchanan for di areanan cu hurisdiccionnan no cla y cu no ta ser goberna pa ningun gobierno specifico. Gobierno a declara cu repatriacion tabata un asunto complejo y mester ser haci na un manera cu ta balansa e necesidadnan di e repatriadonan cu e necesidadnan di e poblacion y seguridad nacional. A priminti di trece legislacion diseña pa facilita e proceso di repatriacion.



Tambe el a descarta cualkier aumento den e peso riba e dak den e ultimo temponan. El a indica cu e seis unidad di aircro instala a ser instala na comienso di e negoshi y tabata proteha pa shelternan recomenda pa techniconan pa evita daño di salud. El a agrega cu e localidad tabatin tres tanki di

April 27, 2025

KING'S DAY ALL YOU CAN EAT BREAKFAST

7AM - 12PM

Price: \$45 per person | 20% off for locals
Children up to 12 years old get 50% off
Unlimited mimosas for \$25

JOIA | **BUCATINI**
BY IBEROSTAR | MARKET & CUCINA

@ bucatini.aruba
Reservation number: 699-9317

El a bay e extra mile

A honra polis R. Wester pa su balentia y esfuerso

Recientemente a tuma lugar un incidente masha serio riba lama cu tabata rekeri rescate y atencion medico cu urgencia.

Central di Polis a dirigi e patruyanan policial y e prome patruya tabata di Strand Politie cu a yega na e sitio. E agentenan policial a nota cu e situacion ta serio y di emergencia. Aki ta unda cu e agente policial R. Wester a bay den accion pa rescate no un pero dos turista di nacionalidad Hulandes cu problema y luchando pa nan bida



den lama.

“Ora mi a yega mi a wak e situacion, mi ta un piscado (den tempo liber) y mi con-

oce e lama na Arashi. Mi conoce e stroom y mi a dicidi di riesga mi mesun bida pa yuda nan sin pensa dos bes” tabata palabranan di Wester.

E ta sigui conta cu di biaha el a kita parti di su uniform, keda den boots cu Carson largo pasobra unda e turistanan ta tabata riba un coral cu por corta tur su curpa. Di biaha e la landa bay cerca nan, calma tur hende coordina e escenario na unda tur hende tabata den panico y asina traha un plan pa e prome turista yega tera.



Na momento cu e prome turista a yega tera e di dos agente policial a cuminsa cu reanimacion wardando riba ambulance mientras cu mas hende a yuda pa trece e di dos turista canto via un rubberboat. Despues un Kite Surfer a localisa e di dos turista den lama.

“Esaki mi a scoge p’e, pa yuda tur hende te na unda cu ami por”. Tabata palabranan di Polis Wester.

Altocomisario di Polis Arnhem na e ocasion aki ta man-

da un palabra di condolencia na e famia di e dos turistanan.

“Esaki ta e esencia di nos trabou, mi ta hopi orguyoso na mi colega Wester pa su balentia, empeño y a riesgo su bida pa salba otro.” Tabata palabranan di altocomisario Arnhem. Arnhem a reconoce Wester cu un “Oorkonde” como tambe un regalo chikito pa su servicio brinda. Di e forma aki ta sigui elogia nos agentenan policial cu ta bay e extra mile den nan trabao di Polis.



Cushinando cu Bon Dia



Salada friu di aros

Ingrediente:

Aros blanco cushina caba
Pecho di galiña cushina y
corta chikito
Siboyo corta
Bonchi Erwt
Mayonaise
Juice di lamunchi
Salo y peper
Awacati hecho pero firme
Ajonjoli preto
3 cup di bouillon di galiña



Preparacion

E galiña ta importante pa nos sazon’e hopi bon prome cu cushin’e pa e tin un bon sabor.

Cushin’e cu salo di lama, un pida siboyo, djente di conoflok, rama di cilantro y rama di selder.

Pone e aros cu e bouillon den un wea y lag’e cushina riba candela mediano te ora e likido vapore.

Mescla cu un cuchara di palo y ya casi na final ora no tin casi likido kita e tapa y sigui mescla pa integra e zetmeel. Lag’e reposa cu e wea sin tapa.

E aros aki ta keda mas duro y medio pegahoso, no keda e grano asina los.

Laga e aros bira friu y reserva.

Mescla e galiña cu ta cushina caba y corta of hila, cu un poco di mayonaise, e siboyo, juice di lamunchi y e bonchi erwt.

Sazona cu un poco di salo y peper.

Cu ayudo di un aro di plastico y un tayo, nos ta pone un capa di aros, despues un di galiña, sigui’e cu otro di aros y asina te caba cu aros.

Por haci tanta capaz y di e diki cu nos kier.

Saca e aros cu cuidao y decora cu bolita di awacati y ajonjoli. □

JOIA
BY IBEROSTAR

MAREA

KING'S DAY BRUNCH

APRIL 27 FROM 11AM TO 3PM

20% OFF FOR LOCALS

ALL YOU CAN EAT \$60 PER PERSON

ADD ALL YOU CAN DRINK MIMOSAS \$35 PER PERSON

RESERVATION NUMBER: 699-9317

@ marea.aruba

Huicio contra Weinstein a cuminsa: “Weinstein a usa ‘poder sin limite’ pa abusa sexualmente di hende muhe”

(BBC) – Abogadonan a duna declaracion di apertura diaranson den e huicio di Harvey Weinstein na New York, kende fiscal ta acusa di a usa su poder inmenso na Hollywood pa mishi y abusa di tres muhe sexualmente.

“E acusado tabata kier nan curpa, y mientras mas nan tabata resisti, mas forsa e tabata usa,” e Fiscal Assistant di Distrito Shannon Lucey a bisa huradonan diaranson.

Den su di tres huicio den cinco aña, Weinstein ta acusa di abusa di un ex asistent di produccion di television, un actriz aspirante y un modelo sexualmente.

E productor di pelicula a declara su mes no culpabel, y den corte su abogado a busca pa trece duda riba declaracion y credibilidad di e muhernan. Abogado Arthur Aidala a bisa e hurado cu e caso di fiscal lo “cay plat riba su cara” despues cu nan tende tur e evidencia. “Nan ta bay pidi bo pa duna sentido na cosnan cu simplemente no tin sentido,” el a bisa.

Un corte di apelacion a anula e condena anterior di Weinstein pa crimen sexual na New York na april ultimo, prome cu el a ricibi acusacion nobo di agresion sexual den e estado na september.

Siman pasa, a scoge 12 hurado - 7 hende muhe y cinco homber - pa pone den pesa e destino di Weinstein. Diaranson, Sra. Lucey a pasa un ora dunando un declaracion di apertura, bisando huradonan cu tres hende muhe a cay victima di e abuso di un “portier di Hollywood” cu tabatin “poder sin limite pa mas cu 30 aña den e industria”.

E huicio di nobo na New York ta centra riba dos hende muhe cu a trece acusacion contra Weinstein pa su huicio di 2020, actriz Jessica Mann y ex asistent di produccion di television Miriam Haley. E biaha aki, e huicio tambe ta inclui acusacionnan di e ex modelo y actriz Polaco Kaja Sokola, kende a acusa Weinstein di a maltrat’e ora e tabatin 16 aña.

Diahuebs, Sra. Lucey a conta



e storianan di asalto, entre otro, di e tres hende muhe. E supuesto encuentronan hopi biaha tabata encera cu Weinstein tabata trece hende muhe na su camber bou di e capa di un reunion di negoshi, prome cu el a supuestamente forsa su mes riba nan.

E victimanan “a warda nan berguensa y dolor pa nan mes” pa añanan pa motibo di e rol di Weinstein como un homber cu “a defini e tereno” di actuacion y pelicula, Sra. Lucey a bisa.

Durante su ora di declaracion di apertura cu a sigui, e abogado di Weinstein a tuma un acercamento un poco agresivo, acusando e muhernan di tin relacionnan sexual “mutuamente beneficioso” cu Weinstein y di ta motiva pa placa.

“E hende muhernan aki ta adicto na fama,” Sr. Aidala a bisa. “Nan kier ta heroe.”

Sr. Aidala a argumenta cu Weinstein no por a agredi e muhernan pasobra nan a keda den contacto cune y a mand’e mensahenan amistoso despues di e encuentronan.

Na april ultimo, un corte di apelacion a bisa cu Weinstein, awor di 73 aña, no a ricibi un huicio husto na New York na 2020 pasobra e hues cu tabata supervisa su caso a permiti testimonio di hende muhe cu a haci acusacionnan contra su persona pa conducta cu nunca el a ser acusa.

Weinstein tabata cumpliendo un castigo di 23 aña den un

prison di New York despues di a ser condena.

Tambe el a ser haya culpabel di violacion den un huicio separa na California na 2022 y a ser sentencia na 16 aña den e caso ey.

Weinstein tin varios condicion medico, incluyendo cancer y diabetes. Na september, el a ser hiba hospital pa un operacion di curason y a keda den un

unidad di hospital sigur. Un hues a aproba un peticion di e abogado di Weinstein pa lag’e keda na e hospital Bellevue na Manhattan ora cu e no ta den Corte.

Su abogadonan a keha cu e tabata ricibi mal tratamiento medico den condicionnan no-higienico na e prison conoci Rikers Island - cual oficialnan tin hopi tempo ta bisa cu nan tin plan pa cera - aunke e mudansa a keda

posponi.

En total, Weinstein a ser acusa di mal conductu sexual, asalto y violacion pa mas cu 100 hende muhe.

Probablemente e lo pasa e resto di su bida den prizon, ya cu e no a cuminsa sinta su castigo di 16 aña na California ainda.

E decision di su acusadonan pa bin dilanti, y su condena cu a bini despues na New York, a galvanisa e movimiento #MeToo contra abuso sexual di hombernan poderoso.

Papiando cu huradonan diaranson, Sra. Lucey a bisa cu e movimiento a permiti e tres muhernan bini dilanti den e caso penal contra Weinstein despues cu nan “diripiente a realisa cu nan no tabata nan so”.

E ex productor di pelicula tambe a enfrenta un cantidad di demanda civil, incluyendo di un grupo di hende muhe cu a acus’e di acoso sexual y violacion y a yega na un areglo di \$19 milyon cune na 2020.



Feliz Dia di Rey, Aruba!

En conexion cu Dia di Rey nos lo ta cera henter dia ariba Diabierna 25 di april 2025.



Den caso di emergencia por yama libremente nos Storingsdienst na 523-7147.

Esgrimista Stoop di ekipo Hulandes ta victima di racismo

(Curacao.nu) – Den un carta na e asociacion di esgrima (fencing) Hulandes KNAS, e mayornan di e esgrimista Preston Stoop di 18 aña a informa tocante discriminacion dentro di su propio ekipo. Supuestamente esaki a tuma lugar durante e Copa Mundial Hubenil na China. E carta a ser comparti riba Facebook pa un miembro di e familia.



grupo, e floretista a drenta e apartamento unda e no tabata kedando pa 2or di mainta y a drenta den camber di nos yiu pa film'e mientras e tabata drumi. Desde e momento ey, nos yiu no por a drumi. E tin cu reporta na sala pa 7or di mainta pa su 'dream individual' WJK, cu ta cuminsa pa 8:30am. E tabata sinti su mes cansa, no fresco, ni fit, y p'esey a keda fuera di e torneo pa prome biaha den e partido di grupo."

Despues KNAS a dicidi cu e torneo di ekipo di diamars 15 di april lo no tuma lugar pa Stoop, pasobra supuestamente el a dal e foilist den un intento pa pone un fin na e humiliacion y discriminacion. Asociacion di esgrima ta

Durante un reunion na Wuxi, China, e esgrimistanan di e delegacion Hulandes en particular a ser bisa cu nan tabata culpabel di discriminacion. Den e carta e mayornan ta kirbi entre otro lo siguiente:

"E miembronan aki a haci zonido di macaco na nos yiu homber na mesa y a haci joke inapropia y discriminatorio tocante catuna, esclavitud y e comercio triangular. (...) Un di e floretistanan a bisa, 'Tin nuebe hende na mesa y algo otro,' referiendo na nos yiu homber. (...) El a afirma tambe cu ora galiña tabata ser

sirbi na mesa, e tabata solamente pa nos yiu homber pasobra ta hende preto so gusta galiña (...). E floretista en cuestion a bay un paso mas leu bisando nos yiu homber, 'Mi ta bo hefe, pasobra mi ta un rasa superior, y mi antepasadonan a posee esun di bo.' E palabranan aki a ser usa contra nos yiu homber varios biaha."

Segun e mayornan, ningun di e coachnan of lidernan di delegacion a para pa Preston Stoop e tempo ey. E anochi ey e intimidacion a sigui. "E anochi prome cu nos yiu mester a cuminsa e partido di

cuminsa investigacion KNAS, e Koninklijke Nederlandse Algemene Schermbond, awor a cuminsa cu un investigacion, NOS ta informa. Presidente di e asociacion di esgrima, Teun Plantinga, a bisa den un declaracion inicial na NOS cu e no por a anticipa e asunto, pero

a papia di un incidente serio:

"Nos a ser informa for di China diadomingo y no tin un bista completo ainda. Pero un rapport lo ser traha na nos hunta disciplinario si tin motibo pa haci esey. Y ta parece asina."

London Marathon 2025 diadomingo awo; tur loke bo mester sa



(BBC) – Record lo ta bao di menasa ora e di 45 edicion di e London Marathon tuma lugar diadomingo, 27 di April.

ampliamente como e coreador di distancia mas grandi den historia, ta regresa na e Marathon di London pa prome biaha for di 2020.

Veld elite yena lo tin record di curso y mundial den nan bista, cu un bonus di £98,000 disponibel pa cualkier persona cu ta exitoso den gana den e careda di hende homber y muher.

E ganador record di cuater biaha ta ser compaña den e careda di elite masculino pa e campeon defensor Munyao y e campeon Olimpico di Etiopia Tamirat Tola, pero e rival di hopi tempo di Kipchoge, Kenenisa Bekele, tabata un retiro laat.

E evento di e aña aki tin como meta pa kibra e record mundial di mas participante den un marathon, cu mas di 56.000 persona ta spera di competi.

E titular di record mundial di mita marathon Jacob Kiplimo ta haci su debut despues di a bira e prome persona pa core un mita marathon den menos di 57 minuut na februari.

E record ey tabata e 55.646 finalistanan na e Marathon di New York di aña pasa, pero e Marathon di Paris di e luna aki a registra 56.950 participante.

E titular di e record mundial Ruth Chepngetich y e ganador di 2024 Jepchirchir a retira for di e careda femenino elite di e aña aki.

E cayanan di London lo ta yen di hende cu ta core pa causa cerca di nan curason, algun ta sigui nan mes record y ta ser aplaudi durante henter e 26.2 miya pa multitud electrico.

Pero un linea yen di otro ainda ta conta cu dos di e tres hende muhernan mas liher den historia den e campeon Olimpico Sifan Hassan y e medayista di plata di Paris 2024 Tigst Assefa.

Mapa di ruta di London Marathon 2025
E curso ta cuminsa na Greenwich Park y ta caba na The Mall, caminda coreadornan lo crusa e liña di meta despues di pasa Buckingham Palace.

Tur cuater campeon di marathon Olimpico y Paralimpico lo ta presente, cu atletanan Suiso Marcel Hug y Catherine Debrunner lo competi e eventonan di rolstoel elite.

E ruta mayoria biaha plat ta tuma den varios otro punto di referencia di London, incluyendo Tower Bridge, Canary Wharf y Big Ben. Alexander Mutiso Munyao di Kenya a gana e careda masculino den dos ora y cuater minuut y un seconde aña pasa, cu e compatriota Peres Jepchirchir victorioso den un unico record mundial femenino di 2:16:16.

Hug, kende a gana un di tres marathon Paralimpico consecutivo na 2024, ta pidi pa un di siete; y di cinco consecutivo; triunfo di London Marathon, mientras cu e compatriota Debrunner ta purba un di tres victoria di London despues di cinco medaya di oro na Paris 2024.

Terenonan elite di Maraton di London y placa di premio Eliud Kipchoge, kende a bira e prome atleta pa core un marathon den menos cu dos ora na 2019 y ta ser considera

E ganadornan di e careda lo ricibi £41,000, mientras cu un bonus di £112,000 lo ser paga na cualkier homber cu ta core bou di 2:02:00 of muher bao di 2:15:00.



ZIMA

KING'S DAY

BBQ

April 27 | 6pm to 9pm
Live music | 6pm

Locals get 20% off | BBQ & BEERS

2X1




BBQ ribs | Beef short ribs sandwich
Black Zima burger | Pulled pork




Asociacion di basketball den parti Caribense di Reino ta uni forza pa cooperacion regional

(Bonaire.nu) – E asociacion di basketball di Aruba, Boneiro, Sint Eustatius, Sint Maarten y Saba a firma un carta di intencion pa traha mas cerca cu otro riba desaroyo di basketball den e parti Caribense di Reino Hulandes. E firmamento a tuma lugar dia 13 di april.

Asociacion di Basketball Hulandes (NBB) ta hunga un rol di coordinacion den esaki. Di parti di Corsou un representante di Fundacion pa Deporte y Desaroyo di Corsou (FDDK) a asisti na e reunion.

E declaracion di intencion, tambe conoci como e Carta di Intencion (LOI), ta dirigi riba cooperacion den e areanan di comunicacion, desaroyo di talento, compartimento di conocimiento, arbitrahe y diseño di competencia. E LOI no ta obligatorio legalmente, pero ta duna direccion pa ambicion conhunto pa fortalece deporte riba e islanan.

E colaboracion ta surgi for di iniciativanan conhunto anterior. Por ehempel, e evento di basketball “Weganan Interinsular” recientemente a tuma lugar na Boneiro,



caminda hungadornan jong di e region a topa riba cancha y tambe a participa na actividadnan cultural.

Tambe a duna cursonan di entrenamiento den

colaboracion cu NBB. Un curso di arbitrahe a trece hunto representante di e asociacionnan involvi pa entrenamiento den reglanan di uniform y aliniacion cu normanan internacional. Ademas, 95 coach hubenil di e islanan lo a ser entrena na

2024 a traves di e programa di Fast Break.

Eddy Carrillo, presidente interino di Asociacion di Basketball Boneiro, a declara: “cu e declaracion aki nos ta enfatisa e importancia di cooperacion y compromiso comparti. Nos ta mira deporte como un medio pa fortalece e lasonan dentro di nos region.”

NBB ta sostene e proceso dor di haci conocimiento y recursonan disponibel y facilita desaroyo tecnico. Esaki ta mara na conexcion mas amplio entre e regionnan di Caribe y e red di basketball na Hulanda Europeo.

Ronaldo a descansar y ta bolbe dirigi su atencion na un titulo di Asian Champions League

(AP) — Cristiano Ronaldo a sosega y awor ta bolbe pone su atencion riba gana su prome trofeo grandi na Saudi Arabia.

A pesar di a kibra e record pa gol anota di Saudi Pro League e temporada pasa cu 35 gol y liderando e tabla di posicion den e campaña aki, e Ronaldo di 40 aña ainda no a recoge ningun medaya desde cu el a firma pa Al-Nassr na december 2022.



Diasabra, e lo ta liderando Al-Nassr kontra Yokohama F.Marinos cu sede na Hapon den e cuartp di final di Elite di Liga di Campeonan di Asia.

E club di Riyadh, cu ainda no a gana un campeonato continental, ta spera di progresa pa e ultimo cuater, particularmente despues cu Ronaldo a keda sosega e siman aki pa e victoria di Al-Nassr riba Damac den liga domestico.

Hasta sin e cinco biaha ganador di Balon d’Or, e entrenador Stefano Pioli tin un lista yen di strea na su disposicion.

E ta inclui Jhon Duran, firma for di Aston Villa na januari pa mas cu 100 miyon dollar, e ex strea di Liverpool Sadio Mane y e defensa internacional Spaño Aymeric Laporte.

Al-Nassr tambe tin e bentaha di no mester biaha leu, ya cu tur wega di playoff ta tuma lugar na Jeddah banda di e

costa di Lama Cora. “Awor nos ta completamente enfoca riba Asia,” Pioli a bisa diamars. “Nos a bin ta trahando duro pa prepara p’e y mi ta satisfecho cu e actuacion di e hungadornan.”

Yokohama tabata un finalista venci e temporada pasa pero ta luchando den e ultimo lugar den e liga domestico di Hapon despues di a colecta apenas dos punto di e ultimo shete weganan.

E club siman pasa a kita Steve Holland, un ex assistent di e seleccion nacional di Inglatera di Gareth Southgate, despues di solamente cuater luna como entrenador.

“Pa yena e bashi,” e club a bisa den un declaracion, e Australiano “Patrick Kisnorbo lo sirbi como un manager interino pa e momentonan aki.”

E rival di Nassr na Riyadh,

Al-Hilal, a gana un record di cuater titulo di Asia y ta hunga diabierna contra Gwangju FC, un club Coreano di Sur cu ta haci su prome aparicion den e torneo.

Hilal tabata e mihor hungador den e fase di grupo di ACL y, como cu ta improbable pa alcansa Al-Ittihad na cabes di e Liga Pro Saudita, ta enfoca riba su oferta pa un di cinco campeonato continental.

“E Liga di Campiondi Asia ta un soño personal pa mi, ya cu mi no a logr’e ainda cu e ekipo,” e coach di Hilal, Jorge Jesus, a bisa.

“E ta un soño tambe pa e fanatico y e presidente di e club, y nos lo sigui hunga pa gana cada wega.”

Al-Ahli ta e di tres contendiente di Saudi, y e dos biaha finalista ta determina pa hisa e trofeo den su stadion di cas na Jeddah dia 3 di mei.

Prome, sinembargo, e mester gana un cuarto di final contra e poderoso ekipo Tailandes Buriram United.

E unico di e cuater empatenan cu no ta conta cu un club Saudita ta tuma lugar diadomingo ora e dos biaha campion Al-Sadd di Qatar ta topa cu Kawasaki Frontale, un club Hapones cu ta buscando un prome título.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 9 mei 2025 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. Een woonhuis plaatselijk bekend als

WAYACA 365

staande een perceel eigendomsgrond groot ± 727 gelegen te Wayaca in Aruba, welk perceel afkomstig is van het moederperceel kadastraal bekend als Eerste Afdeling Sectie T nummer 40, thans bekend met index nummer D4276.

Inzetprijs: Afl. 775.000,--

2. Een woonhuis plaatselijk bekend als

LOUISE DE COLIGNYSTRAAT 40

staande op het recht van erfpacht tot 21 december 2055 op een perceel domeingrond groot 289 m2 gelegen aan de Louise de Colignystraat te San Nicolaas in Aruba, zoals nader omschreven in de kadastrale meetbrief nummer 46/1996 (5 M 46/1996)

Inzetprijs: Afl. 200.000,--

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 24 april 2025 ten kantore van NewLeaf Notary, J.E. Irausquin Boulevard 22 te Aruba, of via email: auction@newleafaruba.com

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Otami Thomasia

E comunidad negligisha of mihor bisa, lubida

A tuma nota cu aki na Aruba, hopi bes tin e tendencia di lubida riba un grupo di nos comunidad.

Un Isla hopi avansa, cu a logra cosnan bunita den pasado, di cual nos por ta hopi orguyoso di esaki. Pero mientrastanto cu mayoria di nos ciudadanonan ta disfruta di e logronan aki, tin un grupo cu ainda ta warda pa ricibi atencion debidamente.

Ta trata di e ciudadano cu un of otro limitacion. A purba di inculca inclusion den nos comunidad, pero ta ora pa nos bay practica esaki,

di berdad. Esaki lo trece cambionan grandi cune, cu ta sumamente necesario pa sigura cu cada ciudadano ta sinti cu nan ta pertenece.

Tin diferente organisacion cu ta brinda ayuda y sosten na e personan aki, y nos ta agra-decido na nan, pa nan aportacion.

A sinta cu algun organisacion, cu a presenta ideanan existente, pero sigur hopi innovativo pa nos isla. Por ehempel, cosnan simpel manera accesibilidad pa drenta tur edificio, pa drenta transporte publico, pa eherce un de-

porte, pa yega scol y mucho mas.

Por crea diferente parke di recreo cu ta dispone di materialnan adapta. Tur esaki ta necesidadnan basico como ser humano, cu por percura pa un salud fisico y mental saludabel, pa e personan aki. Reflehando bek riba e plan di gobernacion cu ta cubri puntonan hopi importante pa e inclusion den nos comunidad, y ta enfoca y priorisa nos hendenan cu limitacion, parlamento lo percura pa e desaroyanan aki haya forma y cana nan caminda debidamente, pa na final, e ciudada-



nonan aki por tin un miho calidad di bida. Nos ta un solo Aruba, cu un

solo meta, mehora calidad di bida di tur ciudadano.

Skirbi pa Gregorio Wolff

Confusion como antesala di un cambio Global

Parti 1

Awe nos ta wak un mundo yen di confusion, causa principalmente dor di Trump/Merca y e cambio di poder global. E pregunta cu hopi ta haci ta, kico ta pasando na mundo awe?

E situacion sigur ta cu nos ta den un cambio geo-politico. Mundo uni-polar cu Merca/Nato como unico poder economico/financiero/militar for di 1992, a termina, it is over, a caba. Pero un detaye ta, cu nos no por wak e solucion cla, esta cual pais o bloke di paisnan, la bay tuma over e mando di e mundo unipolar, esey no ta conoci. Sigur ta cu nos ta den un mundo multipolar y e aliansa China/Rusia ta e prome yama pa tuma over.

Si nos wak awe e Big Picture, panorama politica mundial cu su problemanan nos ta haya:

- Prome, tin hopi papiamento pa USA busca pas cu Rusia tocante Ucraina;
- Na Palestina tin gritonan/accionnan pa mantene e acuerdo di pas y pa reconstrui Gaza;
- Trump/Merca a existi negociacionnan cu Iran, Iran no a nenga y a bay di acuerdo;
- Trump/Merca ta profundisa e guerra cu China, poniendo tarivanan inexplicable;
- Merca ta sigui

cu e guerra cu Venezuela; • Pa dorna e Big Picture, Trump/Merca a cuminsa cu e guerra di tarivanan (aranceles).

Apesar di e papiamentonan/negociamentonan e gueranan di destruccion ta sigui na Ucraina y na Palestina.

Rusia cu Merca ta negocia ariba Ucraina, sin presencia di Ucraina Na Ucraina un cambio grandi ta sosodiendo. Rusia ta ganando e guerra ariba campo di bataya, pero Merca, paisnan di Union Europeo y Inglatera ta sigui manda armanan pa Ucraina, esaki apesar cu tur ta reconoce cu Rusia a gana e guerra. Nan intencion ta keda, pa Rusia perde e guerra.

Trump su posicionnan a bira un hilaridad. Su prome posicion tabata, cu dia e gana eleccion como Presidente di Merca, mester tin pas na Ucraina. Despues e a cambia esaki y a bisa cu dia e bira presidente di Merca 20 januari 2025, ariba e prome dia di su gobernacion lo tin pas na Ucraina. Despues ta papia di 10 dia, mas despues ta bolbe cambia pa prome cu Pasco di Resurreccion 20 april, cual ta 90 dia despues di su inauguracion, tur a pasa y nada di Pas. Maske tin un negociacionnan

cu Rusia cual ainda no ta trece nada. Merca kier solamente un tregua, pero Rusia un victoria. Rusia kier pa un periodo di hopi añanan cu no tin accion militar mas, pues Rusia kier un solucion duradero pa soluciona tur loke a causa e problema di guerra na Ucraina. Ultimo dianan e ministro di asun-tonan exterior di Merca Marco Rubio a bisa cu tin e posibilidad cu Merca lo “Walk Away” di e problema, si no bini un pas duradero.

Trump/Merca, sigur no kier perde cara y nan lo culpa e paisnan den guerra. Pa loke ta Ucraina, “Walk Away” pa Merca ta nifica cu lo stop tur ayuda militar na Ucraina. Rusia lo ricibi mas sancionnan ariba e mas di mil sancionnan contra Rusia cu ya ta vigente y cualnan no lo tin efecto. E otro berdad ta, cu na Merca, na Europa, e guerra na Ucraina, aunque Trump ta bisa cu e ta un “Guerra di Biden”, su declaracionnan di stop e guerra ora e a wordo inaugura como presidente, despues di un dia, despues mas dianan, esakinan ta haci cu e guerra na Ucraina a bira un guerra di Trump y cu e ta perdiendo.

Na Palestina tin acuerdo di Pas pero Israel ta rechase y Merca

cu Iran ta serca di un acuerdo Na Palestina defacto tin un tregua pa cuminsa cu e reconstruccion di GAZA, pero Israel cu ayudo di Merca a kibra e tregua y a cuminsa bombardea Gaza/Palestina di nobo, tambe a a start accionnan militar, matando hopi hende na e parti di Palestina cu yama West-Bank.

Hamas, Hezbollah y e Houtinan ta contesta Israel cu loke Israel ta haciendo y igualmente nan ta bombardeando Israel y mahos, sigur pa loke ta e misilnan cu ta bini for di e Houtinan.

Na Muscat, capital di Oman, Merca ta negociando cu Iran E negociacion ta bay ariba e industria nuclear di Iran y Iran su apoya na e grupo di resistencia contra Israel, Hezbollah, Hamas, Shiitanan na Irak y e Houtinan na Jemen, yama, “Axis of Resistance”, na Spaño, “Eje de la Resistencia”. E negociacionnan ta andando y ultimo dianan ta sali informacion cu tin bon adelanto den e deliberacionnan y hasta ta ser bisa for di e delegacionnan di tanto Merca como tambe di Iran cu por yega na un acuerdo Merca-Iran.

Funcionarionan di Merca ta vocifera cu Merca lo no bay

bombardea e laboratorionan/instalacionnan nuclear di Iran. Iran semper a declara cu nan NO tin intencion di traha bomnan nuclear. Aserca Iran ta existi di Merca pa Israel elimina su bomnan nuclear pa medio Oriente keda un region liber di bomnan nuclear. E exigencia aki ta ser respalda pa tur paisnan Arabe y musulman di Medio-Oriente, entrenan e poderoso Saudi Arabia.

E intermediacion di Rusia, bon amigo di Iran y Trump ta sigui su curso. Rusia y China declara cu nan ta contra pa Iran construi un bom nuclear. E bon relacion Putin-Trump ta un gran benefactor pa yega na un acuerdo.

E problema Merca-Venezuela ta continua Cu Venezuela, Trump a pone su posicion fuerte cu tarivanan halto contra paisnan cu ta cumpra e petroli Venezolano, pero e paisnan di BRICS, China, Rusia, Iran, India y mas paisnan no tin miedu di e menasanan di Trump. Chevron mester sali for di Venezuela y e bashi ya a wordu yena dor di companianan di paisnan di BRICS. Un hecho conoci ta cu China a stop di cumpra petroli y gas for di Merca, cual por ta un alivio pa Venezuela.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Auto a dal persona cu a caba di baha for di bus y e chauffeur a sigui core bay



Diamars anochi a drenta informe di cu na Santa Cruz un auto lo a dal un dama y sigui core bay, mesora a dirigi tanto polis

como ambulans na e sitio.
Na yegada di e patruya a bin compronde cu aki ta trata di un accidente hit & run unda


un auto a pasa dal un dama crusando caminda y a sigui core bay. Testigonan cu a presencia e sucedido a raporta esaki na polis. Na yegada di e

ambulans nan a atende e victima cu a haya basta sla na su curpa y cabes y tabata keha di dolor. Nan a transporta e victima pa un revision mas

extensivo na hospital.

Polis a keda pendiente investigando e accidente aki.

Detencionnan despues di a maltrata persona severamente na Sero Janchi



Dialuna anochi a drenta informe di cu tin un dama seriamente maltrata na Sero Janchi, mesora a dirigi tanto polis como am-

bulans na e sitio.
Na yegada di e patruya a bin compronde cu aki ta trata di algun persona cu a yega na e

adres y a busca y haya problema cu otro nan. Te hasta un biga a ser usa pa comete e maltrato en total 2 persona a keda maltrata y ambos a

bay cu ambulans pero un pa warda di Shaba y e dama pa hospital. Polis a keda busca 4 sospechoso den e area.

Tanto 2 patruya di Noord como un di Oranjestad hunto un unidad K9 a asisti den e caso aki.

Porta di truck a dal habri y pasahero sin faha di seguridad a sali cay for di truck na rotonde di aeropuerto



Diamars merdia a drenta informe di un incidente unda un dama a sali cay for di un truck na rotonde aeropuerto, mesora a dirigi un tan-

to polis como ambulans na e sitio.
E inspectora Gordon tabata e prome na e sitio y ambulans cu a yega meso-

ra. Nan a lanta e dama cu a bay cay entre e yerbanan y e tera esaki despues cu e truck tabata birando bay pariba y e dama cu no tabata tin faha di seguridad

bisti a sali cay ora e porta a dal habri.

E personal di ambulans a atende mesora y a transporte pa hospital.


A yama polis y ambulans pa maltrato cu bate di baseball na Timbalstraat

Diaranson mainta a drenta informe di un caso di maltrato cu bate di baseball na Timbalstraat, mesora a dirigi tanto polis como ambulans na e sitio.

Na yegada di e patruxa a bin compronde cu aki ta trata di un problema entre amigonan unda despues di e yegada di e patruxa nan niun tin problema cu otro y no kier duna keho. Na yegada di e ambulans nan no tabata desea su atencion. E amigonan cu a pleita a bira amigo bek di otro.



Accidente na un skina pabao di Flores supermarket na Seroe Patrishi



Un accidente a tuma luga na Seroe Patrishi y asina cu a reporta esaki, mesora a dirigi un patruxa na e sitio.

Na yegada di e patruxa a atende e accidente aki unda den un accidente entre 2 auto esakinan a keda basta kibra.

Afortunadamente ningun hende a keda herida den e accidente aki.

Chauffeur di truck no a regula su velocidad ni a mantene distancia y a bay dal tras di un SUV



Diamars anochi a drenta informe di un accidente na e crusada banda di Palm Beach Plaza, mesora a dirigi un patruxa na e sitio.

Na yegada di e patruxa a bin compronde cu aki ta trata di un accidente unda e chauffeur di un truck no a regula su velocidad ni a mantene distancia a bay dal tras di e

suv. E impacto y e daño tabata limita y afortunadamente ningun hende a resulta herida.

Ladronnan ta sigui kibra auto pa horta e auto of horta aden



Diaranson mainta a drenta informe di un caso di kiebrot cu ladroncia for di den auto na Venezuelasstraat, mesora a dirigi un patruxa na e sitio.

Na yegada di e patruxa a bin compronde cu aki ta trata di

un caso di kiebrot y ladroncia for di un Nissan Tiida staciona unda den oranan di anochi pa mainta a kibra e bentana drechi patras pa horta.

Esaki ta un instancia mas den poco tempo unda ta mira e tipo di ladroncia aki.

Centro di Bario Noord den colaboracion cu Cede Aruba y Bario Unico ta presenta:
Di 4 Episodio di proyecto “Noordflix - Bin conoce bo Distrito”

Despues di a exitosamente lansa e proyecto “Noordfl- lix - Bin conoce bo Dis- tricto”

Episodio 1, 2 y 3, Centro di Bario Noord den colaboracion cu Cede Aruba y Bario Unico ta cla pa presenta pueblo di Aruba, episodio number 4.

Mirando cu e districto di Noord ta un di e districtonan cu mas inmigrante, Centro di Bario Noord a opta pa bin cu un iniciativa educativo a traves di un serie di charla visual interactivo pa asina tanto e Nortero como esnan cu a emigra cera conoci cu e Historia di Noord y cu e identidad di su hendenan



“Noordflix - Bin conoce bo Districto” a cuminsa cu su prime Episodio dia 22 di maart 2024 bou di tema “Historia di Noord,” y a wordo presenta pa Sr. Vivianne Vi Frank. Di dos Epi-

sodio a tuma luga dia 26 di april 2024 bou di tema “Identidad di Norteronan,” a conta cu presentacion di Sr. Jovito Tromp, Sra. Titi Tromp, Sr. Marco Christiaans y Sr. Tommy Figaroa hunto cu Sr. Brito Franken.

Di tres Episodio tabata dia 27 di juni 2024 bou di tema “Noord Ayera, Awe y Ma-yan” cu a keda corona cu un bunita exposicion presentando di personanan cu a ocupa sea funcionnan of a destaca den ramo di deporte, musica, politica pa Aruba como cuidananon di Noord.

Y asina titulo di Season 2, Episodio 4 lo ta “Norteronan Compartiendo pa INSPIRA,” y lo tuma luga diahuebs awo dia 24 di april na Centro di Bario Noord di 7:00 pm pa 9:00 pm di anochi. Oradornan pa e Episodio binidero lo ta Sr. Lucio Abath, Sra.

Frances Figaroa y Sr. Gregorio Wolf.

Bin y comparti pa recorda momentonan historico y enrikece bo conocimiento pa loke ta trata Noord y su hendenan. Centro di Bario Noord, ta encurasha comunidad di Noord, y cualkier ciudadano cu tin amor pa Noord, pa bin asisti e Noord-Flix Episodio 4. Pa mas informacion por tuma contacto cu Centro di Bario Noord via WhatsApp 568-2935 of tambe por via email: ligiaplcbn@gmail.com.

Programa Santa Rosa ta informa ta back den aire





Hopi ta esnan cu keto bay ta duna elogio cu ainda mira programa di Departamento di Agricultura, Cria y Pesca, Santa Rosa riba television. Programanan anterior keto bay ta wordo ripiti y keda bay ta keda cay den bon tera cerca e televidentenan a traves di Telearuba Canal 13.

Awor despues di algun tempo di ausencia a dicidi di duna inicio na programanan nobo di “Santa Rosa ta Informa” un biaha mas a traves di Telearuba. Den un palabracion recien cu nos planta nacional Telearuba N.V. a yega na un acuerdo pa duna fecha y dia di nos prome edicion. Nos prome edicion lo bay ta riba diaranson 23 di April pa 7’or di anochi a traves di Telearuba Canal 13. Den e prome edicion aki lo bo bay cera conoci cu Sra. Rachelle Peterson kende ta un productor di diferente tipo di mushroom aki na Aruba. Lo conta su experiencia y pasion pa cu esaki. Con el a educa su mes

y desaroya positivamente den cultivo di mushroom. E programa lo bay continua tambe riba tur diaranson anochi pa 7'or pa 6 luna di periodo. Esaki lo ta un total di 12 programa cu lo bay wordo produci pa Departamento di Agricultura, Cria y Pesca Santa Rosa hunto cu Telearuba Canal 13. Lo bo bay admira 15 min di programacion cu entrevista cu nos productornan local. Conoce kico ta wordo produci riba e dushi suelo di Aruba. Un poco di historia con cierto productornan a cuminsa den e mundo aki. Kico lo ta nan meta y estimulacion pa continua den e esaki. Seccionnan informativo y educativo den nos programa cu no por falta.

Asina ta bo ta cordialmente invita pa sintonisa nos prome edicion di “Santa Rosa ta Informa” diaranson 23 di April’ 2025 a traves di Telearuba Canal 13 pa 7’or di anochi. Ripiticion lo ta e siguiente siman diaranson y asina lo continua riba tur diaranson cu 12 edicion pa 6 luna di periodo.

<div> <div> <div>Resultado Sorteo</div> <div>April 23</div> </div> <div>  </div> </div>		Cadena Alexander Lottery ta presenta resultado di weganan di suerte	
<div> <div>DIARIO</div> <div>8932</div> <div>4893</div> <div>0061</div> </div>		<div> <div>KORSOU</div> <div>9072</div> <div>1536</div> <div>9620</div> </div>	
<div> <div>SUPER4</div> <div>0483</div> <div>SUPER5</div> <div>-</div> </div>		<div> <div>FLAMINGO</div> <div>9951</div> <div>5282</div> <div>9957</div> </div>	
<div>MERDIA</div>		<div>ANOCHI</div>	
<div> <div>CATONCHI</div> <div>Sorteo # 4601</div> <div>0863</div> <div>3690</div> <div>4437</div> <div>MULTI-X</div> <div>FP</div> <div>BIG 4</div> <div>Sorteo # 4601</div> <div>6916</div> <div>MULTI-X</div> <div>X2</div> <div>1OFF</div> <div>Sorteo # 2657</div> <div>1072</div> <div>ZODIAC</div> <div>Sorteo # 4601</div> <div>5727</div> <div>Geminis</div> <div>LUCKY 3</div> <div>Sorteo # 1475</div> <div>586</div> <div>MULTI-X</div> <div>X3</div> </div>		<div> <div>CATONCHI</div> <div>Sorteo # 8528</div> <div>3553</div> <div>0184</div> <div>0870</div> <div>MULTI-X</div> <div>fp</div> <div>BIG 4</div> <div>Sorteo # 7572</div> <div>5079</div> <div>MULTI-X</div> <div>x2</div> <div>1OFF</div> <div>Sorteo # 2277</div> <div>6912</div> <div>ZODIAC</div> <div>Sorteo # 6331</div> <div>9050</div> <div>Sagitario</div> <div>LUCKY 3</div> <div>Sorteo # 1261</div> <div>211</div> <div>MULTI-X</div> <div>fp</div> </div>	
<div> <div>LOTTO 5</div> <div>Sorteo # 2587</div> <div>0 x Jackpot</div> <div>0 x Match 4+</div> <div>15 x Match 4</div> <div>248 x Afl. 12,00</div> </div>		<div> <div>04-06-18-21-24</div> <div>Joker 20 Letter G</div> <div>Proximo Jackpot</div> <div>380.000,-</div> </div>	
<div> <div>LOTTO DIA</div> <div>Sorteo # 6807</div> <div>0 x Jackpot</div> <div>8 x Match 4</div> <div>158 x Afl 8,00</div> </div>		<div> <div>04-09-10-11-18</div> <div>Proximo Jackpot</div> <div>55.000,-</div> </div>	
<div> <div>MIMI MEGA</div> <div>Sorteo # 1760</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> </div>		<div> <div>Mega Ball</div> <div>Proximo Jackpot</div> <div>260.000,-</div> </div>	
<div> <div>MIMI MEGA</div> <div>MEGA PLUS</div> <div>Afl. 360.000,-</div> </div>		<div> <div>KORSOU</div> <div>Sorteo #</div> <div></div> <div></div> <div></div> <div></div> </div>	
		<div>  </div>	



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra
Violencia Relacional
Tel: 583-5400

Fundacion Autismo
Aruba

Irenestraat 21 Aruba
297-588-1179

Fundacion Pa Nos
Muchanan

Cumana 2 Aruba
297-583-4247

Fundacion Tel Pa
Hubentud

Wilhelminastraat 19
Aruba
297-588-6138

Koningin Wilhelmina
Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel.297-582-2219

Fax 588-3376

Famia Planea (SBVO)

Avenida Milio J Croes 17

B Aruba

297-588-9591

www.famiaplanea.org

famiaplanea@hotmail.com

Stichting Fundacion
Guia Mi

George Madurostraat 34

297-582-0088

Y M C A

Calbasstraat 1 Aruba

297-582-3072

AL-ANON group

Sabana Liber #8, Noord

(close to the hotels)

Tel: 736-2952 or

593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Centro Medico
Tel. 587 9011 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour &
Taxi C.A.

Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Hobennan di Belgica haya cu 5,000 fruminga lo ricibi nan sentencia den 2 siman

(AP) - Dos hoben di Belgica cu a haya cu miles di fruminga, cu balor di \$9,200 y aparentemente tabata na caminda pa mercado Europeo y Asiatico lo ricibi nan sentencia den 2 siman, segun magistrado di Kenya a informa diaranson.

Magistrado Njeri Thuku, sinta na corte di Kenya su aeropuerto principal, a bisa cu e no lo apresura e caso pero lo tuma su tempo pa evalua e impacto ambiental y e rapport psicologico entrega na corte prome cu e yega na un sentencia dia 7 di mei.

Nacionalnan Belgico Lornoy David y Seppe Lodewijck, ambos di 19 aña, a keda deteni dia 5 di april cu 5,000 fruminga na un cas di vakantie. Nan a keda acusa dia 15 di april cu violacion di ley nan di conservacion di bida salvahe.

E hobennan aki a bisa e magistrado cu nan no tabata sa cu ta ilegal pa tin e fruminganen aki y tabata djis pasando pret. Kenya Wildfire Service a bisa cu e caso ta representa “un cambio den moda di contrabanda - for di bestianan iconico mas grandi na especienan cu menos conoci pero cu ta ecologicamente critico.”

Kenya den pasado a lucha contra e contrabanda di partinan di curpa di bestianan mas grandi manera olifanti, entre otro.

E hobennan aki en cuestion a drenta e pais cu visa di turista y tabata kedando na un cas di vakantie na Naivasha, cual ta popular entre turistanan pa su parkenan di bestia grandi y su lagonan. Nan abogado, Halima Nyakinyua, a conta The Associated Press riba diaranson cu su clientenan no tabata sa cu loke nan ta haciendo ta ilegal. El a bisa cu e tin speransa cu e embahada Belgico na Kenya por “sostene nan mas den e proceso hudicial aki.”

Den un caso separa pero relaciona, Dennis Ng’ang’a di Kenya y Duh Hung Nguyen di Vietnam a keda acusa ora cu a haya 400 fruminga den nan posesion den nan apartamento na e capital Nairobi.

KWS a bisa cu tur 4 sos-



pechoso ta involucra den e mercado di trafico di fruminga na Europa y Asia, y cu e especienan ta inclui messor

cephalotes, un tipo di fruminga grandi, distinto y cora cu ta nativo di Oost Africa.

Pronostico di tempo

Tempo:

Awe nochi: parcialmente nubia cu un awasero breve
Den marduga y mañan: variablemente nubia cu un awasero breve

Temperatura maximo 31
grado Celsius
Temperatura minimo 26
grado Celsius
Indice di calor (heat index)
den y rond di oranan di merdia: 32 pa 38 grado Celsius
Uv index: 12

Bahada di solo : 6:53 pm
Subida di solo : 6:22 am

Biento:
Modera for di direccion generalmente oost; forsa 3 te 4 (12 te 30km/ora, 7 te 16 nudo)
Den di dia basta fuerte den rafaga; forsa 5 (31 te 39km/ora, 17 te 21 nudo)

Situacion general di tempo:
E disturbio den parti



noordoost di Caribe ta alehando poco poco for di region. Sinembargo, ainda e lo trece algun area di nubia pa region local cu por produci un awasero breve riba partinan di e isla.

Condicionnan maritimo/ estado di lama:
Na partinan protegi di costa: keto, rond di 1 pia.
Na partinan zuid: modera, cu lama di 1 pa 2 pia.
Na partinan oost te noordwest di costa: generalmente modera cu olanan di 3 pa 5 pia.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”
Salmo: 23



A fayece cristianamente:

Eveline Sabina Cornelie
*30-12-1953 - †12-04-2025

Na number di su:
Esposo/ Compañero di bida:
Leonardo (Archi) Rasmijn

Mayornan: Juan y Petra Cornelie-Jacobs

Rumannan:
Ronnie y Ana Morel y famia
Lydia Cornelie y famia
Yvette Cornelie y famia
Frenk Cornelie y famia
Marieta Jansen-Cornelie y famia
Annie Dennert-Cornelie y famia

Swa y cuñanan:
Sra. Vda. Nanita Marti-Tromp na Corsow, Maria y Francisco Zievinger-Dabian, †Juan y Cecilia Zievinger-Trimon, Sixto y Fortunata Zievinger-Trimon, Minguel Zievinger y famia, Magda y Lucas Winterdaal-Zievinger, Rev. Diacono Theo y Imelda Zievinger-Maduro, Calixta y Quintin Erasmus-Zievinger, Marieta y Lorenzo Ridderstaat-Zievinger, Grecia Zievinger, Arminda y Maximo Wernet-Zievinger, Rutsel y Flora Zievinger-Erasmus, Buchi Maduro y famia, Ina Werleman-Schoop y famia, Annie y Gustave y famia na Hulanda, Melda y esposo na Bonaire, †Sixto y esposa y famia na Hulanda, †Bechi y †Mimi kock y famia, †Nini y †Chorombo da Silva y famia

Suegra(o):
†Leonardo y †Felepina Benicia Rasmijn

Sobrino(a)nan:
Michella Wernet, Dino Quandt y famia, Kervin Cornelie
Su primo y primanan, Sobrino y sobrinanan, amigo y amiganan

Ayudante di cas: Janine Stok y famia, Haliry Vela

Su mascota stima: Bea

Amigonan:
Lucine Bosnie y famia na Corsow, Tosha Todd, Angelique Farro, James Carolina, Hector Ras, Reina, Jessica, Rupi, Winna, Brat, Marlon Thode, Francis y Carina Eman y famia, Chica Croes y rumannan, Jordan Schepper, Gina Maduro

Ex compañeronan di D.O.W, Concord Hotel
Bisiñanan di Koningstraat, Sta Cruz y Plantenrust,
amigonan di Alhambra, Seaport y Wind Creek casino

Demas famia:
Cornelie, Rasmijn, Brion, Chirino, Jansen, Dennert, Kootes, Geerman, Oduber, Hernandez, Feliciano, Ras, Dirksz, Werleman, Leon, Zievinger, Ridderstaat, Bislick, Wever, Lopez, Valbueno Harms, Crane, Lacle, Boekhoudt, Maduro, Schwengle, Henriquez, Dijkhoff, de Mey, Herrera, Goedgedrag, Cijntje, Betorina, Fransensen, Schoop, Nicolaas, Hoek, Rodriguez, Everon

Disculpa nos si den nos tristeza nos por a lubida algun famia of conocer.

Ta invita pa e **acto di condolencia y despedida** cual lo tuma lugar dialuna 28 di April 2025 di 2:00 pa 4:00 pm na misa Inmaculada Concepcion na Sta Cruz, despues lo sali pa Santana catolico Sta. Maria na Sta Cruz.

Despues di entierro no ta ricibi bishita di condolencia na cas.

Aurora

Royal Pray

Funeral Home & Crematory

“Senior ta mi wardador, mi’n tin falta di nada
den cunucu di yerba di berde e ta ponemi sosega
e ta hibami na awa trankil,
Pa mi bolbe haña forsa”
Salmo 23



Cu hopi dolor nos ta anuncia fayasimento di

Nicolas Demetrio Kelly
Cariñosamente yama: “Opa”
*22-12-1950 - † 17-04-2025

Na number di su **Casa:** Linchi Kelly-Tromp

Yuinan:
Rivelino Kelly y Thyanne Lee
Giovanni y Marilly Boekhoudt-Londoño-Zuleta

Nietonan stima:
Xavier Kelly y Rudyanne Lejuez
Evan Boekhoudt
Bisanieta, Preto di wowo di Opa:
Xyla-Rose Kelly

Mayornan: † Benancio y +Juliana Kelly-Figaroa

Rumanan:
Martina y Juan Henriquez-Kelly
Juan y Jolanda Kelly-Arends
Juliana y Martin Henriquez-Kelly
Maria y Oslin Dijkhoff-Kelly
Juanita Kelly y Theo Figaroa
Jacinto y +Aura Kelly-Boekhoudt
Ovito y Shamila Kelly-Maduro
Aegidio y Dolorosa Kelly-Ridderstaat
Crescencia Kelly
†Filomena Kelly
†Emiliana Kelly

Swa & Cuñanan:
Julio Tromp y famia
Clifford Phelipa y famia
Sharon Phelipa y famia
Shamila Phelipa y famia
Persey Phelipa y famia

Sobrino y sobrinanan, primo y primanan, comper y comernan, Ihanan, su bon amigonan, amigonan di Setar y Hadicurari, famianan na Merca, Hulanda, Curacao, y Colombia

Demas famianan: Kelly, Tromp, Figaroa, Boekhoudt, Flanegin, Lee, Lejuez, Henriquez, Arends, Dijkhoff, Phelipa, Maduro, Heyden, Ridderstaat, Lizbeth Pisar y Javier Betancourt.
Su Dr. di cas Mikeeo Martis

Ta invita pa
Acto di Condolencia:
Diaranson 23 di April 2025 di 7:00PM pa 9:00 PM na Aurora Funeral Home.

Acto di entierro:
Diahuebs 24 di April 2025 na Misa Santa Anna na Noord di 2:00 PM pa 4:00 PM y despues pa Santa Catolico na Noord.

Nos kier a pidi despensa si den nos tristeza nos por a lubida un famia of conocer.

Nos ta lamenta cu despues di entierro nos no ta ricibi bishita di condolencia na cas.

Enbes di flor of krans lo prefera un donacion na Fundashon Ultimo Deseo Aruba (FUDA).
Lo tin un box disponible.

Aurora

Royal Pray

Funeral Home & Crematory

“Señor ta mi wardador
mi’n tin falta di nada
den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”
Salmo: 23



Cu hopi dolor nos ta anuncia fayasimento cristianamente di nos estimada

Alida Margarita Zievinger
“Daadjie”
*24-12-1940 - †15-04-2025

Na number di su:
Rumannan:
†Regilda “Ida” Colina-Zievinger
†Crisanto Luis “Coco” Zievinger
†Alexander Dominico “Buchi” Zievinger
Rudolf Zievinger
Ana Louisa Johnson-Zievinger

Sobrino y sobrinanan
Primo y Primanan
Ex-coleganan di Banco

Demas famia: Zievinger, Kelkboom, Dirks, Jansen, Colina, Jeager, Kock, Franken, Santana, Johnson, Van Grieken, Croes, Mongelaz, Cicilia, Arends, Rodriguez, Martis, Viotty, Odor, Den Beyen

Tur su amiga y amigonan, conocirnan mucho hopi pa menciona, su bon bisiñanan

Ta invita pa e **acto di despedida** cu lo tuma lugar diasabra 26 di april 2025 na Aurora Funeral Home di 2:00 pa 4:00 pm. **Acto di cremacion** ta tuma lugar den seno di famia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador
mi’n tin falta di nada
den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”
Salmo: 23



Zulma Brito
*05-03-1966
†16-04-2025

Cu hopi dolor nos ta anuncia fayasimento di

Acto di entierro lo wordo anuncia despues.



FIND US ON
Instagram
@bondiaaruba
ALSO AVAILABLE ON
X f d o

Aurora

Royal Pray

Funeral Home & Crematory

*Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridat
Unicamente Bo Luz briyando*

Cu dolor na nos curason, pero conforme cu
boluntad di Dios, nos ta participa fayecimento di
nos ser stima:



Lauriano Werleman
Mihor conoci como: "Lou"
*8 november 1938 - 15 april 2025
Ex- taxista TX-308
Fundador di S.V. Universal

Na number di su:
Esposa: Emerita Werleman-Croes

Yiunan:
Bianca Werleman y Edmundo Henriquez
Saskia Werleman y yiunan

Rumannan:
†Jose-Maria Werleman (Buchi)
†Tomas Werleman (Tommy)
†Willybrordus Werleman (Willy)
†Andrecita Werleman - Luidens (Chichita)
†Maximiliano Werleman (Max)
†Cosme Werleman (Coshi)
†Constancia Werleman (Tanchi)
†Rafael Werleman (Fai)
†Marcolino Werleman (Marcolin)

Tur su sobrino(a)nan stima.

Demas famia: Werleman, Croes.

Oportunidad pa **condolencia** lo tuma lugar
Diaheubs 24 di april di 7or pa 9or na Aurora
Funeral Home na Cumana

Ta invita tur famia, bisiñan y conocirnan pa asisti
na e **Acto di Entierro** cual lo tuma diabierna 25
di april 2025 For di 2or pa 4or di atardi na Aurora
Funeral Home na Cumana. Despues nos lo sali cu
nos defunto stima pa Santana Central di Sabana
Basora

Ta deseo di e defunto pa bisti color alegre.

Aurora

Royal Pray

Funeral Home & Crematory

Cumana # 76 & # 44/ van Speykstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta
Dios,
maske mi no ta na e mundo
aki, tur dia lo mi ta banda
di boso Curazon, mi por stens
di loka Señor ta hasi"
Salmo 33

A fayece:



**Gladis M. Piay
Mejia**
*09-12-1956 - †19-04-2025

Acto di despedida lo wordo
anuncia depues

Aurora

Royal Pray

Funeral Home & Crematory

Les invitamos a asistir al la
ceremonia de despedida de
Juan Ruben Raulin Pol.

Hijo de Margo Faneyte y
Wim Pol.

**La Despedida es: Este
Viernes, 25 de abril de
2025 a las 2.00 pm hasta
las 3.00 pm**

**Lugar de Despedida: Funeraria Aurora, Cumana 76
- Watty Vos Blvd- Oranjestad Aruba**

Juan falleció el sábado Santo, 19 de abril 2025,
inesperadamente durante su estadía en Aruba.
El deja atrás su pareja Bianca más sus dos hijos
Cash y Marialyn.

Nuestra madre Margo quiere compartir estos
dolorosos momento con Uds. y hacer un alto y
reflexionar sobre la vida de su querido hijo Juan
por medio de imagenes y recordatorios.

La próxima semana Juan sera repatriado para
Holanda.

Gracias de antemano por su presencia y por
compartir este momento de la despedida con
nuestra madre Margo Faneyte.

Un cordial saludo de parte de los hermanos y la
familia de Juan en Holanda.

Miosotis y Jodie,
Quillermo, Paula e Hijos
Bienvenida, Ashvin e Hijos



Aurora

Royal Pray

Funeral Home & Crematory

Cumana # 76 & # 44/ van Speykstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

*"Señor ta mi wardador
mi'n tin falta di nada
den cunucu di yerba berde e ta
ponemi sosega.
E ta hibami na awa tranquil,
pa mi bolbe haña forsa"
Salmo: 23*

Nos ta anuncia fayecimento di: Acto di entierro lo wordo
anuncia despues.



**Barbara
Conradus-
Kelly**
*04-12-1940 - †19-04-
2025

Aurora

Royal Pray

Funeral Home & Crematory

*Tur cos aki na mundo tin su ora y su
tempo,
Ora pa nace y ora pa muri, ora pa yora
y ora pa hari,
Ora pa keda keto y ora pa papia, ora pa
stima y ora pa odia,
Ora pa guerra y ora pa paz"
Predicador 3:1-2-4-7-8*

Cu dolor na nos curason, nos ta participa fayecimento di:

Robert Alex Petrocchi
*08-06-1964 - †18-04-2025

Acto di entierro lo wordo anuncia despues



Michelle Trachtenberg a fayece a
causa di complicacion di diabetes
segun examinador medico



**(AP) - Michelle Trachtenberg a fayece como
resultado di complicacion for di diabetes,
New york City su examinador medico a bisa
diaranson.**

E oficina a bisa den un declaracion cu el a dre-
cha, cu e causa di y manera di fayecimento di e
ciudadano di New york city di 39 aña despues di a
evalua resultado di test di un laboratorio. Trachten-
berg, ken tabata conoci pa su rol den "Gossip Girl"
y "Buffy the Vampire slaer" cu "Harriet the Spy," a
ser haya inconsciente den su apartamento na Man-
hattan den februari. E oficialnan na e tempo aki a
bisa cu no tabatin sospecha di ningun acto violento
y e oficina di e examinador medico a bisa cu e causa
di su morto no ta determina. Trachtenberg su famia
tabata contra di un autopsia, cual e examinador
medico a honra pa motibo cu no tabatin evidencia
di ningun criminalidad tumando luga.

Su representante no a contesta na peticion pa co-
mentario. Sarah Michelle Gellar, Taylor Momsen
y Blake Lively tabata entre e celebridadnan cu a
lamenta Trachtenberg su fayecimento ora cu su
fayecimento a keda anuncia dia 26 di februari.

Trachtenberg tabatin 8 aña ora cu el a cuminsa in-
terpreta Nona Mecklenberg riba Nickelodeon su
"The Adventures of Pete & Pete" for di 1994 te cu
1996 y despues a haya un rol principal den e adap-
tacion di "Harriet the Spy" y "Inspector Gadget,"
banda di Matthew Broderick.

Den aña 2000, Trachtenberg a uni e elenco du
"Buffy," interpretando e rol di Dawn Summers, e
ruman chikito di e personahe principal interpreta
pa Gellar entre aña 2000 pa 2003.

Trachtenberg a sigui su carera cu "Six Feet Under,"
"weeds" y "Gossip Girl," unda el a interpreta e gang
su enemigo, Georgina Sparks. E tabata un di e serie
original su streanan cu a regresa pa participa den
2021 su "Gossip Girl." Trachtenberg despues tin
credito cu "EuroTrip" y 2009 su "17 again" cu Zac
Efron y Leslie Mann.

Aurora

Royal Pray

Funeral Home & Crematory

Cumana # 76 & # 44/ van Speykstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

*"Señor ta mi wardador
mi'n tin falta di nada
den cunucu di yerba berde
e ta ponemi sosega.
E ta hibami na awa
tranquil,
pa mi bolbe haña forsa"
Salmo: 23*

Nos ta anuncia
fayecimento di:



Silvio S. Maduro
*03-01-1962
†22-04-2025

Acto di despedida
lo wordo anuncia
despues.

Administracion di Trump ainda ta resistiendo orden di hues den caso di deportacion di Abrego Garcia

(AP)—E administracion di Trump diaranson a sigui resisti e ordennan di un hues federal pa muestra informacion tocante e pasonan cu nan a tuma — si tin — pa trece un homber di Maryland back na Merca cu a ser deporta pa eroneamente pa El Salvador.

Drew Ensign, un subasistente fiscal general, a presenta un peticion cera pidiendo pa suspende e orden di e hues cu ta exigi testimonio bao huramento y documentonan relaciona cu e esfuerso di gobierno pa trece Kilmar Abrego Garcia back.

E peticion a ser presenta apenas algun ora despues cu Hues di Distrito Paula Xinis na Maryland a condena e administracion di Trump den un documento oficial diamars, acusando nan di desobediencia, obstruccion di proceso legal y di actua “den mala fe” pa rechasa di duna informacion.

Xinis a duna e gobierno un deadline di 6or di atardi diaranson pa presenta e informacion.

En bes di cumpli cu e orden, e Cas Blanco a presenta un peticion cera pa un suspension di siete dia. E administracion

tambe kier para e obligacion pa muestra actualisacion diario tocante e situacion di Abrego Garcia y e intento pa trec’e back.

Abogadonan di Abrego Garcia a presenta un respuesta cu ta opone e peticion di gobierno diaranson mainta. Tom Homan, ken ta czar di frontera den e administracion di Trump, no a referi directamente na e comentarionan di e hues diamars. Pero el a ripiti cu segun nan, si Abrego Garcia wordo treci back na Merca, e lo ser deteni y deporta atrobe.

Casi dos siman pasa, e Corte Supremo di Merca a ordena e administracion di Trump pa facilita e regreso di Abrego Garcia na Merca, despues di rechasa e argumento cu nan no por trece back despues di deport’e eroneamente.

Oficialnan di e administracion di Trump a purba di lanta oposicion, afirmando cu e asunto ta den man di El Salvador — aunke e mesun presidente di El Salvador a bisa cu e no tin e poder pa trece Abrego Garcia back. Nan tambe a usa e argumento cu cualkier paso tuma pa trec’ back ta protegi pa secreto legal, ley di estado, privilegio gubernamental of



otro regla di secreto.

Pero segun Hues Xinis, esakinan ta afirmacion sin base factual, y ta refleha un “rechaso boluntario y mal intencion pa cumpli cu e obligacionnan di entrega di prueba.”

“Pa varios siman caba, acusadonan a busca refugio tras di afirmacionnan vago y sin substancia di privilegio, usando nan como escudo pa obstruccion y pa evadi cumplimento cu e ordennan di e Corte,” Xinis a bisa den su documento. “Esaki mester caba awor.”

Kilmar Abrego Garcia, 29 aña, tabata bibando na Merca por casi 14 aña, trahando den construccion, casa y criando tres

yi cu discapacidad, segun e documentonan di corte.

Un hues di inmigracion a proteha Abrego Garcia for di deportacion pa El Salvador na 2019, afirmando cu e lo sufri persecucion for di gangnan local cu a terrorisa su famia. E tambe a haya un permiso federal pa traha na Merca, caminda e tabata un trahador di metal y miembro di union, segun su abogadonan.

Pero asina mes e administracion di Trump a deporta Abrego Garcia luna pasa pa El Salvador. Oficialnan a bisa despues cu e deportacion tabata un “eror administrativo”, pero a sigui insisti cu Abrego Garcia ta miembro di e gang MS-13.

Abrego Garcia nunca a ser acusa formalmente y e ta nenga tur acusacion. Su abogadonan a indica cu e informante criminal cu a acus’e, a bisa cu e ta miembro di MS-13 na Long Island, New York — un luga caminda Abrego Garcia nunca a biba.

Esaki no ta e prome biaha cu e administracion di Trump ta haya un orden fuerte di un hues federal tocante su maneho di casonan di deportacion.

Un grupo di tres hues di e Corte di Apelacion di 4to Circuito a zundra e administracion siman pasa, bisando cu e declaracion cu nan no por haci nada pa libera Abrego Garcia “ta algo cu mester ta sorprendente.” E sentencia a bin un dia despues cu un hues federal na Washington D.C. a haya causa probable pa considera e administracion di Trump culpable di desobediencia criminal pa viola ordennan cu tabata prohibi nan manda avion cu deportadonan pa El Salvador den un otro caso legal.

Democratnan y expertonan legal ta bisa cu presidente Donald Trump ta provocando un crisis constitucional pa no sigui e ordennan di corte, mientras e Cas Blanco ta bisa cu e huesnan mes ta e problema.

Zelensky ta rechasa entrega tera Ucrainiano den posible acuerdo di paz



(AP)—Presidente Volodymyr Zelenskyy a rechasa diamars e idea di entrega territorio Ucrania na Rusia como parti di un posible acuerdo di paz, un dia prome cu oficialnan Mericano, Europeo y Ucrainiano ta planea pa reuni na Londres.

Durante discusionnan similar siman pasa na Paris, oficialnan Mericano a presenta un propuesta cu a inclui permiti Rusia mantene control di e teritori-

onan Ucrainiano cu el a ocupa como parti di e acuerdo, segun un oficial Europeo cu conocimiento di e situacion.

E oficial, ken no tabata autorisa pa comenta publicamente a papia riba condicion di anonimidad, a bisa cu e ta anticipa cu e asunto lo ta riba e agenda di discusion atrobe e siman aki mientras tur partido ta enfoca riba alcanza un consenso riba un acercamento credibile pa caba cu e guerra cu Merca por comunica na e Rusonan.

Pero entre reportahenan den media tocante e propuesta Mericano, Zelenskyy a bisa cu e idea di cede territorio—including e península Crimea di Ucrania, confisca pa Rusia mas cu un decada pasa—no ta negociable. “No tin nada pa discuti—e ta nos tera, e tera di e pueblo Ucrainiano,” Zelenskyy a bisa.

Algun aliado Europeo ta al menos un tiki dudoso di e propuesta Mericano. Pero tambe tin reconocemento pa algun aliado cu Rusia ta firmemente ancla sea parcialmente of completamente den cinco region di Ucrania—Crimea, Luhansk, Donetsk, Zaporizhzhia y Kherson.

Si e meta ta pa obtene un alto-el-fuego inmediatamente, “e mester ta basa riba e liña di contacto manera e ta,” segun un oficial Frances. E oficial no tabata autorisa pa ser publicamente nombra y a papia riba condicion di anonimidad segun

politica presidencial Frances.

Asina mes, e integridad territorial di Ucrania y su aspiracion pa fortalece relacion cu e resto di e continente ta un top prioridad pa e Europeonan, e oficial a bisa. Ainda mester mira si e esfuersonan diplomatico den e ultimo simannan aki por resulta den un fin di guerra despues di tres aña desde cu Rusia a

invadi su bisña.

E combatimento a continua diamars mientras dronenan Ruso a destrui e ciudad di Odesa y a bomnan a dal Zaporizhzhia, segun autoridadnan local a bisa, mientras Kremlin ta adverti atrobe cu negociadonan ta improbable di obtene un logro rapido den discusionnan di paz.



Bessent ta critica IMF y Banco Mundial y ta bisa cu tin un ‘oportunidad pa acuerdo grandi’ cu China

(AP)—Secretario di Tesoreria Mericano Scott Bessent a lansa un critica duro riba e operacionnan di Banco Mundial y di Fondo Monetario Internacional (IMF) diaranson, hasta mientras e tabata purba calma inversionistanan cu ta sinti nervioso, garantizando cu Merca lo keda un lider global.

“Merca prome no ta nifica Merca so,” el a bisa den un discurso pa e Instituto di Finanzas Internacional. “Al contrario, e ta un yamado pa un colaboracion mas profundo y respet mutuo entre socionan comercial.”

Aunke Bessent a bisa cu IMF y Banco Mundial “no ta cumpliendo cu nan rol”, e no a yega na e punto pa propone cu Merca mester sali di e entidadnan aki, manera algun conservador ta propone.

Esaki ta otro ehempel di con Bessent, un ex-gerente di fondo di cobertura cu ta sigui e mercado financiero cercano, ta purba calma e tormenta economico cu a surgi mientras presidente Donald Trump ta purba reconfigura comercio internacional cu tarifanan agresivo.

Tarifanan y China



Despues di su discurso, periodistanan a pidi pa un reaccion riba un reportahe di Wall Street Journal cu a menciona cu e tarifanan grandi cu Trump a impone riba China lo por ser reduci na mitar, refiriendo na un fuente no nombra.

Bessent a bisa: “Lo mi ta sorprendi si esey wordo discuti.” Pero e tambe a admiti cu e ta anticipa “cu mester tin un desescalacion” den e confrontacion comercial entre Washington y Beijing.

Trump mes a bisa diamars cu e tarifanan di 145% riba China por “baha significamente.” Y diaranson el a agrega cu “tur hende kier ta parti di loke nos ta haciendo” y cu “tur hende lo keda feliz.”

Critica riba IMF y Banco Mundial

E discurso di Bessent na Washington tabata un critica contra IMF y Banco Mundial, dos institucion cu ta duna prestamo y otro sosten financiero na tur parti di mundo. El a bisa cu e

administracion di Trump “lo usa e liderato y influencia di Merca den e institucionnan aki pa pone nan cumpli cu nan rol esencial.”

Bessent su critica ta refleha e esfuerso di e administracion di Trump pa kita ideologia progresista for di institucionnan federal. Segun e, IMF “a perde su rumbo” y “ta dedica un cantidad desproporciona di su tempo y recurso na temanan manera clima, genero y asuntonan social.”

Pa Banco Mundial, Bessent a bisa cu nan tin mesun problema. Segun e, e banco “no por sigui anticipa chequen blanco pa marketing y compromisonan superficial pa reforma.”

Acuerdo cu China

Un di e problema principal, segun Bessent, ta cu China ainda ta ser trata como un pais den desaroyo, loke ta dun’e beneficio special den institucionnan global. Pero segun Bessent, “China ta un economia completamente desaroya” avor cu e ta e segundo mas grandi na mundo.

A pesar di e tension cu ta sigui crece entre Beijing y Washington, Bessent a indica cu “tin un oportunidad pa un acuerdo grandi akinan.”

E kier pa Merca stimula su sector di fabricacion, mientras China ta aumenta su consumo interno, haciendo su economia menos dependiente di exportacion barata pa henter mundo.

“Si nan kier rebalansa, laga nos haci esey hunto,” Bessent a bisa. “Esey ta un oportunidad increíble.” Beijing, den su reaccion diaranson, a bisa cu “pa pone presion no ta e manera corecto pa trata cu China y simplemente no lo funciona.”

Iran ta permiti inclusion di un ekipo pa discuti restauracion di monitoreo nuclear, segun vigilante di UN

(AP)—Iran a acorda pa permiti den un equipo tecnico di e Agencia di Energia Atomico Internacional (IAEA) den e proximo dianan pa discuti restauracion di monitoreo via camara na sitionan nuclear, segun e hefe di e watchdog nuclear di UN a bisa diaranson, yamando e un señal positivo di Iran su actitud pa discus

sionnan nuclear cu Merca.

Rafael Mariano Grossi, papando cu medionan di comunicacion despues di un bishita na Tehran siman pasa, a uni den un segundo ronda di negociacion cu Merca diahuebs. E dos pais ta mustrandó optimismo riba e situacion nuclear di Iran cu ta avansando rapidamente. Ta anticipa p dialogonan tec-

nico tuma luga e siman aki.

“Lidernan Irani tabata ta participando cu un sentimiento di purba yega na un acuerdo,” Grossi a bisa. “Esey ta mi impresion.” Merca kier ta sigur cu Iran no ta desaroya armanan nuclear, mientras Iran kier alivia e sancionnan cu a causa daño na su economia.

Despues cu presidente Donald Trump a retira Merca for di e acuerdo nuclear cu Iran den su prome termino, Iran a limita e acceso y vigilancia di IAEA den su plantanan nuclear. Desde e tempo ey, Iran a sigui enriquece y depositando uranium cu ta mas cerca na nivel pa usa como arma, segun e agencia.

E lider supremo Irani, Ali Khamenei, a abstene di tuma e paso final pa crea bomnan nuclear. Lidernan Irani ta insisti cu nan sitionan nuclear ta solamente pa uso civil. Iran a



bolbe na e mesa di negociacion cu e segundo administracion di Trump, a pesar di e menasa di atake for di Israel of Merca pa stop e programa nuclear Irani cu forsa.

Grossi a bisa cu durante su bishita siman pasa, e oficialnan Irani a acepta pa laga un grupo tecnico di IAEA drenta pa discuti reanuda acceso y vigilancia di e sitionan nuclear, entre otro temanan. Aunke e movida aki no ta relaciona directamente cu e negociacion cu Merca, el a yama esaki un señal positivo

tocante disponibilidad di Iran pa logra yega na un acuerdo.

IAEA mes no ta participa directamente den e negociacionnan, y segun Grossi, e administracion Republicano di Trump tampoco a pidi pa esey. Grossi a agrega cu mas importante cu participacion di observadornan di UN ta e hecho cu Iran y Merca ta purba soluciona e asunto den un manera pacifico. Pero si yega na un acuerdo, “esey mester haya verificacion di IAEA,” el a bisa.

